

A detene dos sospechoso den caso di atraco na un dama na Eagle Beach



Pagina 2

- **Candidato di Corsou pa parlamento Europeo**

Pagina 8

- **Deslisamento di tera ta causa 7 morto y 48 desaparecido na Filipinas**

Pagina 22

- **Destacadonan di Parada di Mucha pa Carnaval 70**

Pagina 10

Presupuesto di DOW a ser aproba y 10.4 milyon ta dirigi pa drecha careteranan



Pagina 3

Negociacionnan pa forma gabinete Hulandes ta cay



Pagina 9

Ministerio Publico di Chile ta investiga causanan di e accidente den cual ex-presidente Piñera a muri



Pagina 15

A detene dos sospechoso den caso di atraco na un dama na Eagle Beach



Dialuna 15 di januari ultimo a bira conoci e noticia di cu un dama a ser atraca y hinca cu cuchiu ultimo den area di Eagle Beach, pa e caso aki ayera Cuerpo di Polis a informa cu 2 persona a ser deteni.

Diaranson den oranan di madrugada e Atraco Team (TBP) hunto cu team di Aresto a haci un entrada hu-

dicial na Amandelstraat. Esaki ta relaciona cu e caso di atraco riba un dama cu tabata canando banda di Eagle Beach y na unda dado momento e lo wordo atraca y hinca. Den e accion di ayera madrugada tambe tabata presente K-9 Unit y Flex Team unda a detene dos sospechoso den e caso aki. E sospechosonan nan ta di inicial S.C.T. naci na Aruba y M.F.L.S. naci na Colombia,

Cuerpo di Polis di Aruba no ta descarta cu lo por tin mas detencion den e dianan nos dilanti.

Dialuna 15 di januari den oranan di anochi pa mas o menos 11:58pm central di polis a haya e notificacion cu un señora lo a ser atraca y hinca na altura di Paradise Beach Villas, nan a despacha patruya na e sitio y como tambe ambulance.

Ora patruya a yega na e sitio ta topa cu e victima na unda e ta declara cu e tabata train (core) y na un dado momento un homber lo a acerc'e cu un cuchiu y a atrac'e, den esey, el a purba bringa cu e atracado y na un dado momento e atracado lo a hinc'e. E sospechoso tabata bisti full na preto segun a informa, despues e lo a core bay direccion noord y probablemente a huy den un auto color shinishi. E atracado a logra bay cu su celular, ora ambulance a yega na e sitio a duna e victima

asistencia medico y despues a transport'e pa hospital. Atraco Team a presenta na e sitio como tambe polis tecnico y na unda a sigui cu e investigacion. Departamento di slachtofferhulp tambe a presenta pa asisti e victima. Riba medionan social por a mira diferente reaccion di usarionan indicando cu "Aruba no ta e mesun Aruba di antes pa bay core den oranan laat di anochi y tampoco su so." Un usuario a skirbi dunando su opinion riba e sucedido aki.



Bus AmigoDIDI activo pa ultimo paradanan di carnaval 70



Recientemente ariba nan pagina oficial di Facebook Fundacion Zinnia a anuncia cu nan proyecto di Bus AmigoDIDI ta un realidad. Un proyecto cu tin como meta evita cu cualkier persona ta stuur bao influencia di alcohol despues di eventonan di carnaval.

Na aña 2019 Fundacion Zinnia y Fundacion Anti Droga Aruba (FADA) a cuminsa cu e proyecto Bus AmigoDIDI como un proyecto piloto. E meta principal di e Bus AmigoDIDI ta pa ofrece transport

na personanan pa y for di paradanan di carnaval pa asina evita cu nan ta stuur auto bao di influencia di alcohol.

Den e fase di proyecto piloto, Bus AmigoDIDI a resulta un exito y hopi ta esnan cu a haci uso di e bus aki durante e paradanan di carnaval. Lamentablemente Covid-19 a yega mundo y tur cos a paralisar.

Aña pasa Bus AmigoDIDI no tabata activo durante e temporada di carnaval, pero e aña aki si nan ta activo cu cinco Bus AmigoDIDI pa tur

esnan cu ta desea di haci uso di e servicio aki pa e ultimo paradanan di carnaval 70.

Manera ta conoci Fundacion Zinnia a lanta na 2015 despues cu e hobencita Zinnia a fayece pa motibo cu el a wordo atropeda pa un conductor cu tabata bao influencia di

alcohol tras di stuur. Despues cu el a wordo funda, Fundacion Zinnia ta traha hunto cu FADA ariba e campaña conoci, Amigo DIDI, pa asina conscientisa pueblo di Aruba ariba con importante ta pa tin un Amigo DIDI.

E meta di Amigo DIDI ta

pa crea un 'mindswitch' den e persona cu ora e ta bay di fiesta of celebracion cu ta inclui bebemento di alcohol of manera ta wordo bisa 'dal par di drinks', nan mester tin un persona cu lo por yud'e pa maneha nan auto ora nan lo bay cas y asina evita accidente.



Presupuesto di DOW a ser aproba y 10.4 miyon ta dirigi pa drecha careteranan

Ayera mainta na Parlamento di Aruba a tuma luga e tratamiento di presupuesto di Dienst Openbare Werken pa aña 2024, na unda a trece dilanti diferente punto como estado di careteranan, privatisacion di RWZI y proyectonan na caminda.

Maske tabata un tratamiento di presupuesto unda parlamentarionan tambe por duna nan comentario den un reunion publico, esey no a tuma luga ayera, tabatin como oradornan so e parlamentario di MEP Marcos Berlis y e parlamentario independiente Rygond Santos Do Nascimento.

E prome persona cu a hiba e palabra tabata Marcos Berlis, ken a haci varios pregunta na prome minister Evelyn Wever-Croes ken tambe ta encarga cu e cartera di Infraestructura.

Den su ponencia, prome minister a splica cu e importancia di e presupuesto aki di aña 2024 ta pa gobierno por finalisa e re-organisacion cu ta tumando luga na e momentonan aki na DOW, tambe pa haci operacion y mantencion di obranan publico cu e meta di minimalisa e kehonan cu por tin den comunidad y entre otro, finalisa e digitalisacion di tur e procesonan.

Prome minister a declara cu e necesidad di vivienda ta hopi grandi na Aruba, “ta un reto grandi pa nos gobierno” y cu DOW mes no tin un rol proactivo den esaki, pero su ministerio si, “nos ta deliberando riba kico ta e miho forma pa adresa esaki. Tambe a señala cu proximamente nan lo sinta cu FCCA y minister ta yudando pa inventarisa e necesidad di vivienda na Aruba, nan a haci un analisis di e gap cu tin, kico nos por ofrece y kico falta na unda nan tin cu bin cu un plan ambicioso pa por yega na viviendanan di cada persona.

Den comparacion cu e gastonan di pos di personal den añanan 2022, 2023 y cu na 2024 a baha na 1.2 miyon, prome minister a informa cu esey ta pa motibo cu ta bay privatisa RWZI y nan personal cu ta 16 hende ta bay hunto cu e proyecto aki tambe, debi na esey e gastonan di DOW ta baha, ademas a destaca cu nan ta bezig cu e social plan cu ta necesario pa empleadonan por pasa over.

Berlis a trece dilanti varios preocupacion y solicitud di



parti di ciudadanonan na prome minister como por ehemplo, si lo pone un rotonde na un crusada cerca di e mercado Superfood e cual durante cierto orario ta practicamente imposibel pa sali caya principal ora ta saliendo di Superfood. Un otro peticion segun Berlis dirigi na prome minister, ta pa pone verkersplat na Pos Abao 59 na unda cu tin un crèche y hendenan ta core hopi duro na e area ey loke ta representa un peligro.

Pa loke ta trata e dos pregunta aki, un di e caminda cerca Superfood, prome minister a contesta cu eynan ya caba tin dos rotonde, pero si lo evalua e punto aki, pa e di dos pregunta tocante verkersplat na

Pos Abao, prome minister a informa cu e evaluacion a ser haci caba, e ta bin na remarca y den e planificacion.

E suma total cu lo inverti den drechamento di careteranan cu ta den mal estado ta un total di 10.4 miyon florin, prome minister a declara cu pa yega na e suma aki den presupuesto tin un pos di 2.6 miyon, den presupuesto di pais Aruba tin 2.8 miyon florin cu a ser aloca pa inversionnan.

Banda di esaki, tin 3 miyon florin pa mantencion di edificacionan lo cual ta algo cu pa hopi aña no a tuma luga segun prome minister a sigura pa motibo di reduccion di gastonan.

Mientras tanto, nan ta tra-

hando den e Masterplan pa nan por drecha tur caretera, el a splica cu e plan aki ta reparti riba 17 aña, esey tin di haber cu e capacidad cu por tin no solamente na DOW sino tambe den otro stakeholders pa por drecha tur e caretera na Aruba y aworaki nan ta den e fase di mira e aspectonan financiero pa motibo cu esey ta otro reto.

Na e momentonan aki, avenida Milo Croes di Dakota ta den planificacion cu e prome fase pa por haya asfalt den e luna aki.

El a trece pa dilanti cu DOW tin un maneho cu ta aplica a base di e cual ta tuma decision den tur e necesidadnan cu tin cu ta hopi, pa loke ta trata mantencion di caretera,

a base di esey e criterionan cu nan ta mira ta estado di mantencion di e caminda, si ta den hopi mal condicion e ta haya un prioridad, ta mira e funcion di e caretera den e network y con importante e ta, uso y intensidad di e caminda y si e bario tin hopi tempo caba.

Drechamento di riolering y caminda na highrise hotel, ta un proyecto proyecto cu nan a anuncia algun luna pasa, pero mirando cu e caretera dilanti aki mester keda habri, prome minister a comenta cu ya caba a aloca fondonan pa e prome fase cu ta bay cuminsa na april di e aña aki, a presenta un tardansa door di un tuberia cu mester a regla. E prome fase aki ta cuminsa na The Mill te South Beach, e di dos fase ta bay for di South Beach te Holiday Inn y fase tres cu ta pa otro aña ta trata di embeyecemento, aceranar, parkerplats, entre otro.

“E reto pa tur esaki ta pa tin tur e hotel operacional y accesibel y den esey DOW ta den combersacion conhunto cu AHATA y hotel caminda por tin un miho planificacion posibel,” segun prome minister a sigura.

A trece dilanti un mocion di partidonan MEP y Raiz na final di e tratamiento di presupuesto unda a pidi na Gobierno di Aruba pa pinta e liña memey di caminda conforme ley pa crea posibilidad pa automobilistanan bay ambos banda y asina e por yuda e fluho di trafico entre Parlamento y Royal Plaza. E mocion aki a ser aproba cu 11 voto aproba y 5 contra.



APA y ATA lo comparti ex-edificio di DOW

Lo habri un Visitor Information Center pa turista

Recientemente mediante un comunicado di prensa, Minister di Turismo y Salud Publico, Dangui Oduber, a informa cu el a reuni cu Director di Aruba Ports Authority (APA), Marc Figaroa, CEO di Aruba Tourism Authority (ATA), Ronella Croes y tambe e representante di DOW y Monumenten Bureau Aruba, Raul Gei, pa un reunion tocante e proyecto di ex-DOW cu lo inicia pronto.

E edificio di ex-DOW tin 16 aña bandona caba y ta crea un bista no mucho bunita pa e turistanan cu ta bishita e isla, specialmente turistanan crucero. Cu e proyecto nobo aki lo renoba e edificio completamente.

E proyecto nobo aki pa e ex-edificio di DOW ta encera cu e oficinanan existente di APA lo mester muda bay den e edificio aki.

E edificio ta bay wordo comparti y oficinanan di APA ta bay wordo ubica na e di dos piso di e edificio. ATA ta e organisacion cu ta bay huur piso uno di e edificio y lo bay converti e piso aki den un

Visitor Information Center pa brinda informacion na e turistanan.

E meta di e Visitor Information Center ta pa brinda tur informacion di kico tur e turistanan por haci na Aruba, cual ta tur e actividadnan, e miho beachnan pa bishita, un lista di e miho restaurantnan y kico Aruba en general tin pa ofrece, bida nocturno, transporte, entre otro.

Desde maart aña pasa, Gobierno di Aruba a anuncia cu APA lo muda pa e ex-edificio di DOW, den cuadro di e proyecto Aruba Port Authority.

Prensa local di Aruba a wordo invita e tempo ey pa haci un recorrido den e edificio aki pa asina por mira den ki estado e edificio aki ta na e momentonan aki desde cu DOW a muda na su edificio nobo 16 aña pasa.

Durante un conferencia di prensa, el a informa cu debi na cu e edificio a keda bashi el a bay hopi atras y den cuadro di e proyecto di Aruba Port City cu gobierno a anuncia hunto cu Aruba Ports Authority (APA), Minister Oduber a indica cu nan taba-

tin un pensamiento, teniendo na cuenta caminda edificio actual di APA ta situa y cu ta forma parti di e proyecto aki, na dado momento APA lo mester a busca un edificio nobo sea construyendo un nobo of huur un cu ta existi caba. Asina a yega na e idea pa muda APA den e ex-edificio di DOW.

El a splica cu tabatin combersacionnan entre gobierno, APA y Monumentenbureau pa wak kico tabata e posibilidadnan pa APA por tuma e edificio aki, pa por muda y haci di esaki su oficina principal.

E partinan a tene na cuenta tambe cu APA no tin hopi empleado pa por drenta den edificio aki su so, cual ta hopi amplio y door di esey nan a acerca ATA pa puntra si nan tabatin interes di huur e otro parti di e edificio aki cu ta e parti di abou y transform'e den e Visitor Information Center.

Igualmente nan a explora diferente escenario cu e edificio aki ta brinda y nan a prepara un draft di un Memorandum of Understanding (MoU)



entre Gobierno di Aruba, Aruba Ports Authority, Aruba Tourism Authority y Monumentenbureau pa delinea kico exactamente nan ta desea di bay explora pa haci di e proyecto aki un realidad.

Minister Oduber a splica cu e intencionnan aki a wordo presenta na Consejo di Minister cual a aproba esaki e proyecto pa APA por tuma over e ex-edificio di DOW. Nan a publica esaki tambe den landscourant pa asina por motiva, argumenta y splica pakico gobierno a opta pa bay negoshia cu APA pa nan por tuma e edificio aki.

“E ta un edificio bunita, e ta monumental y nos deseo ta pa conserva esaki, ta e prome impresion cu turistanan crucero ta haya ora di yega Aruba y nos no kier pa edificio aki keda bay atras,” el a sigura.

E mandatario a expresa cu dentro di poco nan ta bay firma un MoU oficial entre e instancianan concerni den caso aki pa oficialmente cuminsa explora e posibilidadnan y tambe duna APA e espacio pa por busca financiamento pa cuminsa e proyecto aki.

“Nos ta convenci cu nos lo por cuminsa e proyecto e aña aki ainda, esey ta e intencion, pa nos por firma MoU y despues bay over ora APA keda cla cu financiamento, pa asina pone e prome piedra y otro aña nos por tin un bunita proyecto conservando un monumento cu ta asina importante den area aki despues di 14 aña,” el a bisa durante e conferencia di prensa e tempo ey.

Ronella Croes, CEO di ATA,

a expresa cu nan tabatin e mira riba edificio aki for di varios aña

caba na unda ATA a traha y a analisa un posibel mudamento di nan oficina pa e edificio aki.

“E tempo ey tabatin diferente motibo di pakico nos a scoge e edificio, e lo a permiti nos contribui cu e restauracion di un monumento na Aruba y nos a tene cuenta cu e hecho cu ta asina centralmente ubica permitiendone tambe pa facilita y duna miho servicio na nos bishitantenan pero tambe lo a cuadra cu nos ekipo cu nos tabatin na e momentonan ey, no a concretisa esaki, pero e deseonan pa ta involvi y e motibonan si a keda vigente,” Croes a comenta.

Esaki lo permiti pa brinda na e bishitante di turismo crucero y turismo en general no solamente servicio personal, sino tambe haciendo uso di tecnologia. E aña aki nan punto di enfoko lo ta como tal pa traha riba e diseño di e Visitor Information Center pa ora edificio lo ta cla cuminsa cu e acuerdo cu APA pa huur e parti cu nan tin mester.

Di su parti, Mark Figaroa director di APA a señala cu esaki ta un oportunidad cu nan a evalua manera e otro instancianan pa asina wak e miho opcionnan cu por tin pa nan logra esaki.

“P’esey awe nos ta para akinan seguramente pa wak e potencial cu e edificio aki tin y seguramente cu ta bay mehora e producto di turismo, pa nos specialmente e parti crucero cu ta sumamente importante,” el a bisa.



CARIBBEAN SPEED PRINTERS N.V.

BONDIA[®] ARUBA **ARUBA TODAY**

TA ANUNCIA

Relaciona cu celebracion di Carnaval

Ta participa cu **NO** lo tin edicion regular di Bon Dia y Aruba Today riba dialuna **12 di februari, 2024**

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diamars **13 di februari** pa por fabor entrega esaki no mas laat cu diabierna 9 of sino via email: **aviso@bondia.com**. Prome cu **5 or** di atardi.

Gerencia

Ban celebra concientemente y safe pa nos tur por goza!

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirks

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Ley electoral ta cambia... Y patronahe ta keda mescos...?

Y patronahe ta keda mescos...?

Gobierno tin plan pa haci cambio den e ley electoral, di cual por spera tratamiento publico pronto. Di un banda e cambionan ta duna prioridad parcial na privacidad di ciudadano, pero partido politico ta keda haya informacion di cada ciudadano, unda e ta registra pa vota, pakico?

E cambionan proponi ta abarca principalmente e limitacion di informacion di ciudadano cu anteriormente tabata obtenible pa tur partido politico cu ta participa na eleccion. Esey ta keda limita den e sentido cu envez di e dos copianan completo den papel cu e partidonan tabata haya di e lista di tur ciudadano cu por vota, cu adres inclui, proposicion di gobierno ta un lista digital completo – keto bay – cu banda di e number, e number di e distrito electoral na cual e persona ta pertenece, y e number bao di cual e persona ta registra den e registro electoral. E cambionan menciona aki ta trata di articulo 10 inciso 1 y 2 di Kiesverordening.

Hulanda y Sint Maarten no ta duna informacion na partido

Sin embargo, den e consejo di Raad van Advies encuanto e propuesta di ley aki, por lesa cu e organo aki ta duna como consideracion di elimina e dunamento di informacion aki na partidonan politico completamente, y ta referi na e situacion na Hulanda y Sint Maarten unda e servicio aki na partido no ta existi mas. Como argumento e organo consultivo ta duna cu, si gobierno mes ta trece dilanti cu proteccion di privacidad di e persona ta importante y cu pesey no ta duna informacion mas na un ciudadano cu kier sa algo di otro persona, y tin acceso solamente na informacion di su mes, anto lo ta razonable pa elimina e di dos inciso aki tambe, pasobra mester cuestiona e valor actual di duna tur e informacion na e partidonan. Por argumenta, segun RvA, cu e meta original di identifica e votador y di verifica e veracidad di su derecho di voto y e registracion di e cantidad cu ta yega pa vota ta asunto obsoleto. Esaki pasobra tin hopi mas votador y ademas identificacion y control di derecho di voto ta trabao di e personanan designa na e urna electoral, segun RvA.

Lamentablemente RvA no ta sigui riba e tema aki den nan consejo, pero nos ta kere cu ta importante continua e asunto aki. Kico ta hungando un papel aki? Algun punto importante, por ehemplo: pakico e partidonan ta desea di haya tur e datonan aki? Pa haci trabao di e urna un biaha mas? Tur informacion relevante ta keda

procesa y tur partido ta haya sa cuanto voto nan a haya na cada urna, berdad? Y como cu diferente partido tin nan simpatizantenan na mesa sinta, ta garantiza asina cu e conteo di voto ta bay corectamente. No, ta trata di otro asunto, cu pa nos no tin nada di haci cu derecho di voto, ni transparencia di e proceso electoral. E hecho ta cu e partidonan ta desea di controla ta ken di nan hendenan ta bin vota of no. Si bo a priminti cu bo ta vota pa un persona o partido, bo por ta sigur cu nan ta bin reclama bo cu bo no a yega..., sigur si bo a cobra algo caba, den forma di bandera o borch na bo cas, o pasobra a priminti bo algo, manera trabao. Esey ta un aspecto y no esun mas mahos ainda. Si bo no a bay vota, loke ta bo pleno derecho, no tin obligacion di vota, pero despues na mal momento, ora por ehemplo bo mester haya algo di gobierno, e partido na mando sigur ta bay check si bo a vota. Si bo a bay vota, ainda nan por keda cu e duda si bo a vota pa otro partido, pero si bo no a vota mes, nan sa sigur cu bo no a vota pa nan... Tur e control aki ta parti di e intento di mantene e sistema di patronahe politico, poniendo un tipo di 'polis politico' na cada urna. Claro cu den esaki ta principalmente e partidonan grandi tin e practica, pasobra nan tin e simpatizantenan pa ta presente tur caminda, y durante nan añan den e sistema gubernamental nan tin probablemente e basenan di dato mas amplio di tur e partidonan actualmente activo. Esey ta implica tambe cu e propuesta nobo, di duna e listanan den forma digital, ta mas conveniente ainda, pasobra no tin motibo di arma bo 'polis politico' cu papel, sino cu laptop y tablet...

Ta obvio cu no tin motibo pa acepta e tipo di 'cambio favorable' aki pa moderniza nos sistema, si hasta ta facilita acceso di e partidonan na e lista di votador pa cada urna mas ainda a traves di e lista digital, pero ta trata di bende nos e cos aki como 'avance'. Ta di lamenta cu nos ta tende critica di otro partidonan riba e cambio di ley aki, pero nan no ta duna muestra di ta comprende con atrobe e partidonan grandi ta tuma nan haci y di e manera aki ta keda penetra di manera sin respet den bida priva di e ciudadano, aportando de paso grandemente na e bentaha den informacion cu nan tin. Y si acaso un partido menor ta di acuerdo cu nan, ta pasobra nan tambe ta kere den continuacion di por 'troce braza' di e ciudadano, sabiendo si el a bay vota si of no. Tanten cu nos no ta cumenza analiza e cosnan aki na un manera corecto, nos no ta caba nunca cu patronahe politico...

Directie Luchtvaart ta bay ser converti den un organisacion financieramente autonomo

Dialuna 5 februari 2024, Minister responsabel pa transporte, Sr. Ursell Arends, a tene un encuentro cu empleadonan di Directie Luchtvaart Aruba. Proposito di e encuentro aki ta pa informa empleadonan tocante e decision di Gobierno pa converti Directie Luchtvaart den un organisacion financieramente autonomo, pa duna informacion tocante e proceso cu lo wordo sigui, y pa contesta preguntanan.

Durante e “kick-off meeting” aki, Minister Arends a elabo-

ra riba e motibonan cu a yega na e decision aki, cu a wordo tuma na 2019 caba, pero nunca a wordo implementa. Motibo principal ta pa fortifica Directie Luchtvaart como organisacion, pa asina e por cumpli na un miho manera y na un manera mas duradero cu tur su tareanan, responsabilidadnan y tambe cu e rekisitonan di Organizacion Internacional di Aviacion Civil (ICAO) como tambe otro organisacionnan manera FAA.

E proceso di transicion lo wordo guia door di un stuurgroep nombra pa Minister,



cu entre otro representante di Ministerio di Transporte, Directie Luchtvaart, DWJZ,

Directie Financien, DRH, y sindicato. E stuurgroep aki lo institui diferente werkgroep

y lo tin como prome tarea pa entrega un “stappenplan” pa minister dentro di 4 siman.

Minister Arends a enfatisa cu lo sigura un proceso transparente, unda lo duna e coleganan di Directie Luchtvaart un update cada luna.

Cu e proyecto aki lo fortifica Directie Luchtvaart, cu ta e stakeholder principal di aviacion na Aruba, responsabel pa e maneho y supervision di henter e ecosistema di aviacion na Aruba, cu ta di suma importancia pa nos turismo y nos economia.

Minister di Integracion Glenbert Croes:

Lo crea un plataforma di guia y asistencia pa e ciudadanonan stranhero

Diamars mainta, Minister di Integracion Glenbert Croes hunto cu su conseheronan huridico tabata presente na un presentacion di e Asociacion di Cuerpo Consular na Aruba. E presentacion aki, presenta pa Sra. Solangel, a wordo yama e proyecto alianza, y a enfoca riba e posibilidad, pa tur e consuladonan na Aruba y esnan den Caribe Hulandes, traha hunto cu Ministerio di Integracion, pa crea un plataforma di conseho, guia, asistencia, y apoyo na e henter e comunidad stranhero cu ta biba na Aruba.

Un di e preocupacionnan cu a wordo treci dilanti, ta e echo cu tin hopi ciudadano stranhero na Aruba cu ta wordo



mal conseha, of ta wordo kita placa pa asina por tramita nan documentonan pa permiso. Pa evita e casonan aki den futuro, kier bin cu un plataforma, na unda ministerio di integracion hunto cu e consuladonan lo traha hunto pa asina conseha, guia, y duna

asistencia na e ciudadanonan stranhero aki, pa na un manera legal y sin problema por yega na nan permiso. A traves di e trayecto di integracion responsabel cu tin, y e necesidad riba mercado laboral pa trahadonan, lo duna preferencia na tur local prome y na



tur ciudadano stranhero cu a drenta Aruba legalmente. Mirando tur e proyectonan, pa loke ta e zona di refinaria, cu lo bay bin, lo bay tin e necesidad di trahadonan responsabel y di bon voluntad. E ciudadanonan stranhero cu a yega Aruba di un manera

responsabel y legal, y cu tin respet pa e pida baranca aki, ta loke e mercado laboral mester, y pa e motibo aki, Aruba ta dispuesto pa brinda nan e oportunidad pa labora akinan, y asina forma hunto cu nan famia, un miho bida na Aruba.

Minister di Turismo a reuni cu PKF Global pa haci un estudio pa por atrae yachtenan luhoso pa Aruba

Dialuna mainta Minister di Turismo Sr. Dangui Oduber hunto cu Minister di Transporte, Integridad, Naturalesa y Asuntonan di Adulto Mayor, Sr. Ursell Arends a reuni cu Aruba Tourism Authority y e representantenan di e “Division Destination Development” cu e compania PKF Global. Un reunion unda a papia ariba un estudio pa atrae yachtenan luhoso na Aruba.



Un estudio di “Luxury Cruise Market” lo wordo haci pa

asina por analisa e strategianan di turismo y e potencial

turistico di Aruba. Durante e reunion topiconan di discu-

sion tabata entre otro: tournan mas exclusivo pa atende e mercado aki di turista, con pa promove Aruba su cultura y autenticidad, explora e mercado Europeo pa atrae mas diversificacion den nos mercado di turismo y por ultimo explora posibilidadnan di un area of waf mas priva y exclusivo pa e mercado aki. E estudio aki lo wordo finalisa na Maart 2024. A usa e concepto di “High Value, Low Impact Tourism Model” pa asina por analisa e mercado specifico aki. Aruba su forza ta su hendenan y e hos-

pitalidad cu ta wordo ofreci na nos bishitantenan, alabes un punto positivo ta cu nos pais ta pafu di e area di horta, nos tin un infraestructura stabiel pa e sector aereo y crucero y nos ta ofrece un variedad di hotelnan luhoso ariba nos isla.

Minister Dangui Oduber ta indica cu estudionan asina ta importante pa evalua y conseha tocante un mercado nobo pa e topico di atrae mas yachtenan luhoso pa Aruba. E vision ta pa atrae turistanan di calidad cu ta bin gasta hopi cen den nos economia.

Estudionan cita den caso tocante pildo pa abortus ta ser hala aden debi na defectonan y conflictonan di interes

(AP)—Un revista medico a hala dos estudio aden bisando cu e ta mustra e peligernan di e pildo pa abortus yama mifepristone, citando conflictonan di interes pa e autornan y defectonan den nan investigacion.

Dos di e tres estudio cu a ser hala aden pa compania di publicacion Sage Perspectives a ser cita den un huicio den corte na Texas cu a menasa e acceso na e pildo. E Corte Supremo Mericano lo tuma e caso over otro luna, y ta anticipa un huicio riba esaki mas despues den aña. E huicio di e corte por afecta acceso nacional na mifepristone, incluyendo di e ta keda disponibel via post.

Medicacion pa abortus ta conta pa mas cu mita di tur

abortus cu ta tuma luga na Merca, y tipicamente ta envolvi dos droga: mifepristone y misoprostol. Ambos estudio cita den e huicio a ser publica den e revista Health Services Research and Managerial Epidemiology. Esakinan a ser apoya pa e Charlotte Lozier Institute, cual ta parti di un grupo di abogacia cu ta busca pa caba cu acceso na abortus.

Un investigacion di 2021 a investiga 423,000 abortus y mas cu 121,000 bishita pa centro di emergencia siguiendo e uzo di medicacion pa abortus y abortus conduci via un procedura medico entre 1999 cu 2015. Investigadonan a conclui cu abortus via medicacion ta “consecuentemente y progresivamente asocia cu mas bishita pa centro di emergencia despues di abor-



tus” compara cu otro tipo di morbosidad.

Un investigacion di 2022 a conclui cu falta pa identifica un abortus previo durante un bishita pa centro di emergencia—sea via un dokter of pasobra un pashent a scondi’e—ta “un factor di riesgo significativo pa un admision pa hospital.”

Hues di distrito Matthew Kacsmayk a cita e estudionan den un huicio controversial cu lo bay pa e Corte Supremo otro luna. Basicamente, Kacsmayk a apoya e banda di un grupo medico conservativo, argumentando cu e aprobacion original di mifepristone tabata defectivo pasobra e no a paga mucho

tino riba e problemanan di seguridad cu e pildo.

El a cita un di e estudionan por medio di declara cu mifepristone ta causa “hopi efectonan intenso.” E huicio tambe a cita e segundo estudio por medio di splica con dokternan anti-abortus tin e derecho pa trece nan caso dilanti hues—en bes di mustra cu nan a haya daño directamente pa via di un producto, e hues a bisa cu abortus medico ta causa presion y stres enorme” riba dokternan.

Hopi expertonan legal y profesionalnan medico tabata hopi skeptico di e argumentonan y e estadisticonan cita den e decision di e hues, y un corte di apelacion federal a anula algun parti di e huicio den zomer aña pasa.

Lotto ta introduci Multi-X ariba Big 4 tambe!



Diahuebs 8 di februari 2024, Lotto, E Loteria di Aruba, ta contento di por anuncia cu desde diabierna 9 di februari e tan gusta Multi-X tambe ta obtenibel cu e wega di Big 4! Multi-X ta duna bo e oportunidad pa multiplica bo premio te cu cinco biaha!

Abo ta cla pa multiplica bo premio awo tambe cu Big 4? Big 4 ta un wega di 4 cifra for di 0 – 9, cu sorteo di merdia y anochi, pues ta invita pueblo di Aruba pa pasa cumpra nan ticket pa e sorteo di diabierna merdia of anochi. Bet ta cuminsa desde 0.50 te cu 35 florin

(35 pida) y e prome premio di Big 4 ta 5.000 florin. Multi-X ta duna bo e oportunidad di gana bo premio di Big 4 mas un extra chens, multiplica bo premio di Big 4 te cu dobel, tripel of cinco biaha mas.

‘Multi-X’ a wordo introduci cu e wega di Lucky 3 cu ta un wega di 3 cifra, despues cu Multi-X a haya un gran aceptacion, a introduci’e ariba e wega di Catochi y awo ta introduci Multi-X ariba Big 4 tambe, dunando bo e chens pa multiplica bo premio!

Con pa hunga?
Bo ta cuminsa na cumpra bo Big 4 cerca bo rebendedor di

Lotto preferi of bishita Lotto Online. Bo ta scohe bo 4 cifranan for di 0 – 9 mas bo suma di bet, y pidi bo rebendedor pa agrega e Multi-X na bo compra di Big 4, cual lo bira e mesun suma cu bo a bet pa Big 4. Si bo a cumpra 1 florin na Big 4 y bo a agrega Multi-X, automaticamente Multi-X lo costa 1 florin tambe y bo ticket lo costa total di 2 florin.

Durante sorteo di Multi-X si e bala FP sali, bo ta gana e premio di Big 4 y bo ta haya un chens extra pa e siguiente sorteo di e mesun orario. Si bo gana e prome premio y si sali e bala X2, bo ta gana dobel di e prome premio di Big 4 cu lo bira 10.000 florin (5.000 x2), si sali un bala X3 e prome premio ta bira tripel cu lo bira 15.000 florin (5.000 x3), anto si sali X5 e ta bira cinco biaha mas y bo a gana 25.000 florin como prome premio (5.000 x5). Y asina ta conta pa ora bo hunga 3 cifra tambe di Big 4.

Busca bo Big 4 y multiplica bo premio cu Multi-X, multiplicando bo suerte den 2024! Sintonisa na e sorteo cu ta pasa tur dia 2:30pm y 7.45pm, y diadomingo 2:00pm.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto,



Lucky 3, Multi-X, Lotto di Dia, Lotto 5, Mini Mega cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte

riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Candidato di Corsou pa parlamento Europeo

(CuraçaoChronicle) - Curasoleño Kenville Kleinmoedig a anuncia su candidatura pa Parlamento Europeo representando e partido GroenLinks/PvdA. Esaki ta loke e partido a revela riba dialuna.

Kenville Kleinmoedig, naci na Corsou, a muda bay biba na Hulanda pa e sigui su estudio cu un bachelor den administracion di negoshi y

un master den gobernacion internacional y Europeo. Segun e comite di candidato di GroenLinks/PvdA, Kleinmoedig ta un "activista politico comprometido y organisador. E ta un persona cu ta boga fuertemente pa y tin un vision cla pa loke ta trata e partinan Caribense di e Reino den politica Europeo y vice versa." No tin hopi Curasoleño riba e lista di candidato pa partidonan politico

na Hulanda.

Esaki ta marca e di 10 eleccion directo di e Parlamento Europeo y e prome eleccion desde cu Reino Uni a sali for di e Union Europeo. E Parlamento Europeo su eleccion lo tuma lugar for di dia 6 di juni te dia 9 di juni, cu Kleinmoedig posiciona na e di 18 lugar.



Fiscalnan Hulandes ta exige 11 aña den prizon pa dokter acusa di venena su propio yiunan

(NLTimes) - Ministerio Publico (OM) di Hulanda a exige 11 aña den prizon na corte di Utrecht diamars contra Sarah V. di 37 aña pa intento di asesina su yiu recién naci, den aña 2020, y agresion empeora pa cierto factornan di su yiu homber recién naci na aña 2016. Ambos yiu tabata cerca di fayece segun e OM.

E exigencia, cual a manda olandan di shock den corte, a sigui oranan di argumento for di dos oficial di husticia den cual nan a splica den detaye cu e sospechoso, un dokter di Utrecht, intencionalmente a actua den contra



di e salud di su yiunan. V. ta nenga esaki cual ta haci cu su intencionnan no ta cla. Expertonan cu a examina e sospechoso no por a identifica ningun desorden den su personalidad. OM ta kere cu e mester para completamente responsabel di su accionnan. Segun fiscalia, esaki ta un caso

di abuso di mucha pa medio di falsifica sintomanan, tambe conoci como e sindrome di Münchhausen. Den e caso aki, e ta concerni causa of empeora un malesa den un mucha. Parcialmente a causa di esaki, e caso contra V. ta uno sumamente complejo. E mucha cu a nace sumamente pre-

maturamente aparentemente a bira malo pa motibo cu V. sistematicamente y deliberadamente a venena su lechi di pecho entrega na hospital cu remedi cu ta causa diarrea. V. tabata bebiendo e remedi en cuestion, loperamide, a causa di un desorden cronico den su intestino. E fiscal ta acusa e sospechoso di intento di asesinato y preparacion pa comete un asesinato.

Adicionalmente, e yiu homber a experiencia problemanan di crecimiento y problemanan den su intestino. E mester a bay hospital frecuentemente y a ricibi operacion den varios ocasion. V. a provee informacion falso pa

añanan, nificando cu tabatin varios procedura innecesario y incorrecto haci riba e mucha. OM a bisa cu e sospechoso tampoco a sigui e consejo medico adecuadamente y no a duna e mucha cuminda adecuadamente.

V su abogadonan, ken tabatin cu provee nan defensa riba diahuebs a pidi pa pospone esaki cu un dia. Nan tabata sinti abruma pa e argumentonan extenso di OM tocante e yiu homber. Corte a honra e peticion aki. Como resultado, e proceso lo keda completa proximo siman cu corte den plan di tin un veredicto pa dia 19 di maart.

Minister Sylvania ta ignora Parlamento y curpa consehero cu reforma den sector di wega di placa

(CuraçaoChronicle) - Minister di Finanzas Javier Sylvania lo sigui cu reforma controversial dentro di e sector di wega di placa sin aprobacion di parlamento apesar di obheccion serio di Consejo Economico y Social (SER) y Raad van Advies.

Gaming Control Board, cual no tin autorizacion bao e legislacion actual, ya caba a otorga e prome licencia na White Star BV, un subsidiario di Rhino Entertainment Group. E accionnan aki ta trece dilanti preguntanan tocante con legal e accionnan di e minister y ex regulador ta.

Raad van Advies a declara cu e ley pa LOK no ta alinea cu e principionan constitucional y ta pone den riesgo e independencia financiero rekeri pa e autoridad di gaming. Un reconsideracion di e sistema ta



necesario pa un implementacion coerente. Esakinan ta obheccionnan fundamental rekeri pa un amienda detaya pa e ley, e Consejo a splica.

Apesar cu LOK te ainda tin cu ricibi aprobacion for di parlamento, GCB a tuma pasonan pa medio di distribui licencianan y stempel entre

casinonan online. E accion di ambos e minister di GCB ta fuera di e procedura y legislacion usual, cual ta kita e confianza riba e proceso legal parlamentario. Cedric Pietersz, e director recientemente nombra di GCB a papia di un "periodo transformativo" pa e sector di wega di placa di Corsou y ta enfatisa e im-

portancia di Corsou como un hurisdiccion tip di weganan di placa. Sinembargo, e accionnan prematuro di GCB y e acto di ignora e curpanan di conseho ademas di parlamento ta pone un sombra riba e transformacion aki.

Otorga e prome licencia na White Star BV e otorga-

cion di 3 stempel digital pa otro companianan di wega di placa, hasta prome cu e legislacion nobo ser adopta, ta habri e porta pa mas complicacion legal y administrativo. Esaki ta delinea e necesidad pa un metodo transparente y legalmente coerente den reforma e sector di wega di placa.

E situacion aki ta haci yamado pa atencion inmediato for di parlamento y otro autoridadnan relevante pa sigura e integridad di Corsou su legislacion di wega di placa y confianza den e agencianan di gobierno. E ta crucial pa e minister y GCB reconsidera y colabora di cerca cu parlamento y e curpanan di conseho pa desaroya un cuadro regulatorio husto, legal y efectivo pa e sector di wega di placa na Corsou.

Negociacionnan pa forma gabinete Hulandes ta cay; NSC ta retira for di discusionnan



(NLTimes)—Ta parce cu e discusionnan di formacion di gabinete na Hulanda a cay den otro diamars anochi, como cu lider di NSC, Pieter Omtzigt, a retira for di e negociacionnan, segun AD y NOS a reporta.

Omtzigt a indica cu e ronda di discusion actual a caba mayormente, y cu negociacionnan entre PVV, NSC, BBB y VVD a fracasa. Fuentenan a bisa cu e discusionnan a caba den un fase “crucial” y “difícil” unda nan no por a surpasa nan diferencianan.

E lider di NSC a nenga e posibilidad pa su partido forma un gobierno mayoria cu e otro tres partido. Omtzigt a cita cu e “estado di finanzas publico” ta motibo pa su retiro, bisando cu e no por apoya un gobierno cu lo haci “promesanan bashi” na e pueblo Hulandes. Omtzigt a indica cu su partido lo ta solamente dispuesto pa apoya un gabinete minoria cu PVV, NSC y BBB riba cierto asunto, pero e no lo uni cu nan pa forma un gabinete. Tambe e lo ta dispuesto pa apoya un otro diferente gobierno cu por garna apoyo amplio den

parlamento.

Ronald Plasterk a haya sa tocante e desaroyo aki den un mensahe manda via WhatsApp. E ex-politico cu ta liderando e discusionnan di formacion a conta ANP cu e tabata “un tiki sorprendi” tocante e “storia confuso” cu el a tende.

E estado financiero di asuntonan kisas no ta e unico motibo pakico Omtzigt a retira. Omtzigt a skirbi un carta na e miembronan di su partido pa bisa nan cu el a evalua “aproximadamente 20” carta for di varios oficina di gobierno, algun cu informacion clasifica. El a bisa cu e informacion a muestra cu e gobierno Hulandes tabata enfrenteando un situacion financiero mas difícil compara cu loke a kere prome.

“NSC ta hopi sorprendi despues di e lesa e cartanan awe. NSC ta nota cu, desde awe, nos tin un expectativa hopi diferente riba finanzas pa e proximo añanan,” el a skirbi. “Bao di ningun circunstancia lo NSC kier haci promesanan na e pueblo Hulandes, cual e sa di antemano ta promesanan bashi cu cual no por ser cumpli durante e

proximo periodo di gabinete. Bo no por crea siguridad social cu kasteelnan den shelo.”

Sinembargo, AD a nota cu e cartanan tocante e estado financiero di asuntonan a ser manda pa PVV, NSC, BBB y VVD den e ultimo siman di januari. “Pa awo, e trabao di NSC a ser completa den e ronda aki y e partido lo warda riba e rapport for di e informante Plasterk,” Omtzigt a skirbi.

Kisas no lo ser revela completamente si NSC tabatin mas motibo pa retira for di e negociacionnan. E cuatro partidonan a negocia den un atmosfera tenso durante e ultimo simannan, marca pa comentarionan personal for

di Wilders riba red social, y desconfiansa en general. Ora Wilders a regresa riba red social dialuna pa e cuatro partidonan resolve nan diferencianan, lider di VVD, Dilan Yesilgöz y lider di BBB, Caroline van der Plas, a bay den acuerdo, pero Omtzigt a keda keto.

Ronald Plasterk a invita e lidernan di tur cuatro partido na e reunion otro siman diamars anochi pa “conclui cu e discusionnan adecuadamente,” el a bisa. Wilders ta spera cu Omtzigt lo acepta e invitacion. Segun e, Omtzigt ta debe e partidonan “y tambe Hulanda” un splicacion.

E lidernan di PVV, VVD y BBB lo kier un splicacion for

di Pieter Omtzigt tocante e retira diripiente di NSC for di e negociacionnan di formacion di gabinete. Segun Geert Wilders, Omtzigt a actua “cu falta di respet.” E lider di PVV a yam’e “straño cu un hende cu ta kere ta importante pa nos subraya e importancia di institucionnan den e cultura administrativo nobo lo manda un mensahe y despues no presenta,” Wilders a bisa.

E lider di PVV tambe a bisa cu Omtzigt tabata tumando e ruta di cobarde y cu esaki e ta habriendo e porta pa lider di GroenLinks-PvdA, Frans Timmermans. “Mi no ta kere esey ta parti di e interes nacional. Ultimamente, e votadonan kier un gabinete centro derecho.”

Het Gemeenschappelijk Hof van Justitie van Aruba, Curaçao, St. Maarten en van Bonaire, St. Eustatius en Saba is belast met de rechtspraak in het gehele Caribische gedeelte van het Koninkrijk der Nederlanden.

Gemeenschappelijk Hof van Justitie

VACATURE

Voor het Gemeenschappelijk Hof van Justitie, vestiging Aruba, zoeken wij enthousiaste kandidaten voor de functie van:

ADMINISTRATIEF MEDEWERKER

Deze administratief medewerker is belast met de tijdige administratieve voorbereiding, bewerking en nabewerking van met name strafzaken binnen de juridische kaders, de administratieve voorschriften en interne procedures van het Hof.

DE FUNCTIE HOUDT ONDER MEER IN:

- Het controleren op volledigheid van dossiers;
- Het actueel, volledig en toegankelijk houden van de dossiers;
- Het zorgdragen voor het tijdig verzenden en opvragen van processtukken;
- Het plannen van zaken op de rol en oproepen van partijen;
- Het opstellen van rollen en het distribueren ervan;
- Registratie en verwerking van vervolghandelingen na de zitting en bewaking van voortgang van de zaak;
- Het corresponderen met en verstrekken van informatie aan partijen en belanghebbenden;
- Het verrichten van juridisch ondersteunende werkzaamheden t.b.v. de rechters, waaronder het bewaken van de procedure voor, tijdens en na zittingen.

FUNCTIE EISEN:

- HBO werk-en denkniveau;
- Opleiding: Afgeronde relevante HBO opleiding;
- Uitstekende beheersing van de Nederlandse taal, zowel mondeling als schriftelijk;
- Kennis van en ervaring met geautomatiseerde systemen (Word, Excel, Outlook en Sharepoint);
- Goede contactuele vaardigheden.

FUNCTIEPROFIEL:

- Zelfstandig, leergierig en ambitieus;
- Uitstekend kunnen plannen en organiseren;
- Stressbestendig en in staat om prioriteiten te stellen;
- Integer en omgevingsbewust;
- Klantgerichte houding.

BENT U GEÏNTERESSEERD?
Stuur dan uw sollicitatie met CV naar: mevrouw M. Alment, Adviseur Bedrijfsvoering HR van het Gemeenschappelijk Hof van Justitie van Aruba, Curaçao en St. Maarten en van Bonaire, St. Eustatius en Saba. Emancipatie Boulevard Dominico F. 'Don' Martina 18, Curaçao.
E-mail: vacature@caribjustitie.org

Sluitingsdatum: 25 februari 2024

Informatie over het Hof is te vinden op: www.gemhofvanjustitie.org/vacatures

Voor nadere informatie kunt u contact opnemen met mevrouw E.P. Croes-Kelly, medewerker personeelszaken via het E-mailadres: ester.kelly@caribjustitie.org of op telefoonnummer: +297 5265432.

BONDIA
ARUBA

Bo ta stima bo yiu
BISA NO Na abuso di
Mucha...
HASI USO DI CARSEAT

Destacadonan di Parada Di Mucha pa Carnaval 70



CARNAVAL 70
Department Store
Cura Cabai

Tin bunita articulo pa e temporada di Carnaval tanto pa bo bisti y wak Carnaval of si bo participa den Carnaval.

Nos tin surtido di shorts, keds, sapato, accesorios, jeans, blusa, pechi, sombre y hopi mas articulo bunita pa e temporada.




70 AÑA
ISLA DI CARNAVAL

Nos tey pa yuda bo cubri tur gastonan di Carnaval, Gosa y disfruta di e temporada aki.

De La Sallestraat | 583-4843
J.G. Emanstraat | 523-4848
Rockefellerstraat | 583-5556
Tanki-Flip, Shaba | 583-4800

island finance

SMAC a comparti riba su pagina di facebook cu e pueblo di Aruba e destacadonan di Aruba su parada di mucha pa e aña aki. Aki nos lo comparti cu boso algun di e resultadonan publica, pa duna nos muchanan e spotlight bon mereci pa nan gran trabao y contribucion na nos dushi carnaval.

Pa loke ta trata Roadpiece Luhoso, na prome lug a keda Kung Fu Kids di e grupo Champagne Kids y di e mesun grupo a logra tuma e di dos lug a cu e tema Super Mario. Na tercer lug a cu hopi orguyo a keda TOB Kids cu e tema Seize Your Moment.

Sinembargo, den e mesun categoria di roadpiece, e Roadpiece Campeon tabata Roll With It di Empire kids na prome lug a, Adventure in Amazonia di Don Flip na di dos lug a y Seize Your Moment di TOB Kids na tercer lug a.

Den e categoria di Carosa Luhoso, na prome lug a keda Mama Coco di TOB Kids, sigui pa Universal di Champagne Kids y Nos Storia Di Carnaval di Centro di Barrio Noord na tercer lug a. Pa Carosa Campeon, a keda Mama Coco di TOB Kids na prome lug a, Empire Kids di Empire na segundo lug a y Coco di TOB Kids na tercer

lug a. Ora ta trata di Massa Campeon, e ganador a resulta di ta Champagne Kids y pa Massa Ambiente e ganador tabata Don Flip Carnival Group.

Dancing Queen di e Parada Di Mucha pa nos Carnaval 70 tabata Nima Whitfield di Little Groovers y e Dancing King tabata Darson Naar di TOB Kids.

E premio pa Grupo di Mucha di Aña a bay pa Champagne Kids Carnival Group.

Un pabien na tur e ganadonan y un danki pa tur nan esfuerso haci pa un dushi y bunita Carnaval 70.

Ruta y secuencia pa Parada Escolar di Scolnan Secundario



"Giselle"
Department Store

Giselle ta cla pa fiesta di Carnaval 70

Pa mucha:
Short, blusa, jumper, set di short, badpak, keds y sandalia.

Pa dama:
Short di tela y di jeans, top cu spaghetti strap den tur color. Blusa, jeans largo, capri, sandalia, keds y hopi mas.

Pa cabayero:
Varios color di bermuda, jeans, T-shirt, tank-top, keds y varios articulo mas.

Nos tin entre otro:
Boa den varios color y prijs, hopi model di peluca den varios color largo y cortico. Mascara den varios model, cu luz y cu pluma, cadena di Mardi Gras den tur color pa mucha y hende grandi. Wimpers y lijm.

Armband y renchi dede y pa oreja di luz Pantyhose di net den diferente color. Mea te na rudia multicolor. Sticker di stentchi pa carà y den diferente color.

Corona grandi y chikito di Rhinestone y color di oro. Fasinador den hopi color y cu luz. Hopi estilo di disfras pa mucha y hende grandi.

Nos ta warda bo pa duna bo e mesun bon servicio manera semper cu Giselle ta conoci pe.

Tel. 586-7104 • Noord 55-A



CARNAVAL 70
Island Asia Store

Av. Milio Croes #122 | T. 583-8888 | (front of Price Smart)

Tin un surtido special pa Carnaval 70.

Nos tin jug di diferente tamaño
Blaas, accesorio, bril di solo, keds, sandal, mea, sapato, sweater y T-shirt.
Articulo pa bo fantasia di Carnaval y prijs pa tur cartera!

Diabierna awo, dia 9 di februari ta tuma lugar e Parada Escolar di Scolnan Secundario na Oranjestad.

E ruta ta cuminsa na Aruba Entertainment Center Dakota, pasa na Avenida Milio Croes, Vondellaan y ta termina na Plaza Turismo (Linca Park.)

Secuencia di grupo:
1. Mon Plaisir College MAVO – HAVO – VWO y Colegio Arubano
2. La Salle College y Maria College Mavo
3. Colegio San Antonio, Ceque College y International School of Aruba
4. Colegio EPI y Universidad di Aruba



Carnaval 70
SUPER SHOPPING 
OOSTSTRAAT 6

Ta celebra Carnaval 70 mas hunto cu bo:
Nos tin stenchinan cu luz
Luz pa bo curpa
Copi cu luz
Spada y bañdo cu luz
Nos tin tur cos cu bo
mester pa Carnaval:
te hasta short, keds,
T-shirt, jeans
y hopi articulo mas!




SETAR N.V.
Celebrando
70 AÑA
di nos dushi
Carnaval

*Aruba su Carnaval
si ta Dushi...*

Bishita un di nos seis teleshopnan pa cualkier servicio
Tel. 525-1000 | customercare@setar.aw | www.setar.aw




BiG
BAZAAR
DEPARTMENT STORE

Ta invita bo bin wak y escohe e outfit cu bo ta desea di
bisti pa e temporada di
CARNAVAL 70

Tin jeans tur color y size y bunita style, keds cu bo por combina.
Variacion di shorts y topnan, mea den diferente color, tas chikito
cu ta ideal pa e temporada. Eyeshadow y hopi accesorios.

Tambe nos tin diferente outfit pa mucha, teens y hende grandi.

Sinti bo great bisti den Carnaval 70.

Hendrikstraat 8, O'Stad - Tanki Leendert-E



70 AÑA

Ta celebra Carnaval
70 cu bunita
articulonan manera
peluca, extension pa
bo cabey, maquillaje
di diferente marca
manera e famoso
Black Opal, Milani,
Palladio, L'Oreal,
Maybelline y mucho
mas!

Tambe nos tin
pintura di huña den
diferente color,
crema pa proteha pa
solo, y hopi cos mas
pa ofrece bo. Ta bo
mes mester pasa pa
bo wak y scoge na bo
gusto!

Lucky Cosmetics
ARUBA
L.G. Smith Boulevard 124




Bermuda: Taxistanan ta protesta pa falta di accion di minister

(TheRoyalGazette) - **Chauffeurnan di taxi frustra pa motibo cu nan no a ricibi un aumento den tarifa den dies aña a organisa un protesta spontaneo ayera mainta.**

Esaki lo ta e di tres protesta organisa pa miembronan di e Asociacion di Doñonan y Operadornan di Taxi di Bermuda (BTOA) desde september di aña pasa. Nan a wordo yama pa uni pa e representantenan di otro industrianan, alegando cu nan no ta wordo consulta adecuadamente pa Gobierno tocante diferente asunto cu ta afecta nan medio di sosten. BTOA a invita su miembronan pa bini na Transport Control Department na Pembroke for di 7 or di mainta y tur vehiculo mester ta na luga pa 8:30 di mainta. Un vocero pa BTOA a bisa cu e accion aki ta tuma luga

como reaccion riba un carta cu nan a ricibi for di Wayne Furbert, Minister di Transport, diabierna ultimo, prome cu e organisacion a yama pa un encuentro pa discuti materianan di industria. BTOA a bisa cu nan ta spera cu e encuentro lo trata varios asunto, incluyendo e potencial pa chauffeurnan di taxi ricibi un aumento den tarifa. Sr. Furbert a contesta y bisa cu cualkier encuentro lo ta despues cu aprobacion pa un aumento den tarifa ta den luga pa 1 di april. Den su carta pa BTOA, Sr. Furbert a bisa: "Contrario na e sugerencia cu e ministerio no tabata presenta, nos a tene un serie di encuentronan cu BTOA especificamente pa discuti detayenan di esfuersonan di harmonisacion y modernisacion. "E cosnan aki tabata estructura pa adresa varios aspecto potencial, incluyendo pero no

limita na cambionan di despachamento, aumento den capacidad di carga, pago di permiso, reduccion di belasting riba nomina, etc. Meta durante e interaccionnan aki tabata pa sigura cu BTOA tabatin un bon comprendemento di e iniciativanan. "Mirando boso preocupacion tocante e aumento imminente, mi kier reitera cu e ministerio ta trahando activamente pa tin e aprobacionnan necesario na luga prome cu 1 di april," el a bisa. "Compronde e importancia di transparencia y comunicacion, mi kier sigura boso cu un bes nos haya e aprobacionnan necesario, nos lo ta mas cu dispuesto pa reuni pa un encuentro dedica na discuti e aumento, manera tambe recapitula e detayenan di e esfuersonan di harmonisacion y modernisacion cu e miembronan.



E encuentro aki lo duna un oportunidad pa clarificacion adicional, adresa cualkier pregunta persistente y sigura cu tur miembro ta bon informa. BTOA a skirbi na su miem-

bronan riba 4 di februari despues di ricibi e carta for di Sr. Furbert, yamando pa tuma accion. Nan a bisa: "Nos ta haya nos mes na un crusada cu nos dialogo andando cu e minister y su ministerio.

Jamaica: Di dos refugio nacional pa hende muhe abusa lo habri pronto



(JamaicaObserver) - E di dos di un total di tres refugio nacional cu Gobierno ta establece pa acomoda muhenan cu ta victima di abuso, y nan yiu muhe, ta cla pa habri pronto.

Secretario Permanente di Ministerio di Cultura, Genaro, Entretenimento y Deporte, Denzil Thorpe, a revela e informacion aki mientras e tabata dirigi na e servicio di misa pa e Dia Internacional pa Eliminacion di Violencia Contra Muher (IDEVAW) ariba diamars. E servicio, cual a tuma luga na e iglesia di Constant Spring Road Church of God, a wordo observa bao di e tema local: "Espacionan Mas Seguro pa Muhe y Mucha Muhe."

"Actualmente nos ta trahando riba e di dos refugio, cual mester habri pronto y e di tres refugio, nos ta spera lo bin den e aña nobo," Thorpe a bisa.

E prome refugio a habri na 2020.

Thorpe, kende a representa Minister di Portafolio, Olivia Grange na e servicio di misa, a remarca cu e establecimiento di e refugionan ta den liña cu e Plan di Accion Strategico Nacional pa elimina violencia basa riba genero na Jamaica.

El a bisa cu e di dos prioridad strategico di e plan ta rekeri pa Gobierno "proporciona e proteccionnan necesario, incluyendo espacionan mas sigur pa muhe y mucha muhe." Thorpe a remarca cu Gobierno a tuma

un enfoko di cero tolerancia pa tur forma di violencia basa riba genero y ta comprometi pa implementa politica-, programa- y proyectonan relacion cu esaki."

El a agrega cu door di nan programa robusto y integral di educacion publico na henter e isla, nan ta reforsa e mensahe fuerte cu no tin excuus pa abuso. Thorpe a bisa cu tur hende tin e derecho fundamental pa ta liber di violencia, argumentando cu e medida berdadero di cualkier sociedad ta con e trata su ciudadanonan mas vulnerabel, incluyendo muhe-, homber-, mucha- y personanan di edad haltu y e personanan cu discapacidad.

El a haci un apelacion na organisacionnan basa riba fe pa traha hunto cu e Ministerio pa desafia y transforma radicalmente e cultura di normalisacion di violencia.

"Esaki, nos ta kere, ta di importancia critico si nos ta serio tocante crea espacionan mas sigur pa tur muhe y mucha muher," el a bisa.

E observacion di IDEVAW riba diahuebs, 25 di november, lo marca e lansamento di e campaña di UNITE pa pone fin na violencia contra hende muhe, cual ta 16 dia di activismo culminando ariba Dia Internacional di Derechonan Humano, 10 di december. Thorpe a bisa cu durante e periodo aki, su Ministerio lo envolver e partinan principal interesa den un serie di actividad.

Riba 1 di december, lo tin un tayer nacional di training pa first responders na violencia basa riba genero y lo envolver oficialnan di violencia domestico, conseheronan di guia, di distrito y pastornan.

Aruba Bank y Qredits Aruba ta premia un otro exitoso "Be Your Own Boss" durante 2024



Oranjestad - Durante e luna di januari, representantenan di Qredits y Aruba Bank a forma parti di varios presentacion di ideanan nobo y innovativo cu futuro entrepeneurnan di EduCampus, Colegio Nigel Matthew y De Schakel College a presenta.

Despues di a ricibi diferente materia brinda pa Qredits y Aruba Bank, studiantenan ta demonstra di ta bon prepara pa e evento final. Ta hopi di admira pa mira con creatividad y teamwork ta sobresali y e entusiasmo entre e studiantenan ora nan ricibi feedback di representantenan di Aruba Bank y Qredits.

E studiantenan nan ta cla pa presenta nan idea durante e final "Pitch Event".

Danki na tur estudiante di EduCampus, Colegio Nigel Matthew y De Schakel College cu a forma parti di e presentacionnan, y tur docente cu ta forma parti tambe di e proyecto di "BOYB" di Qredits Aruba.



Hopi exito cu e ultimo preparacionnan.



Husticia Argentino ta confirma cu Cristina Fernandez mester ser investiga pa caso di labamento di placa

(EFE) – Tribunal Penal maximo di Argentina a rechasa un recurso di ex-presidente Cristina Fernandez (2007-2015) contra un sentencia cu a trek un resolusion di suspender di manera definitivo of temporal un causa pa e cual e ta ser investiga pa su presunto colaboracion di labamento di placa.

Camara Federal di Casacion Penal a rechasa e keho di e defensa di Fernandez den e causa denomina “La ruta del dinero K” pa loke a confirma e revocacion di suspension cu Camara Regional di Apelacion a dicidi dia 28 di novem-



ber di aña pasa, segun un fayeto emiti dialuna ultimo. E causa denomina “La ruta del dinero K” cu a cuminsa na april 2013, tambe ta in-

vestiga e ex-vice-presidente pa su presunto maniobra di labamento di placa a traves di e empresario di obranan publico Lazaro Baez, ken a ser

condena y cu e cual e fayecido ex-mandatario Nestor Kirchner y Fernandez a tene un relacion cercano. Fernandez a ser beneficia cu un suspension di e caso dia 5 di juni 2023, di otro banda, e organizacion no gubernamental “Bases Republicanas” cercano na e partido di ex-presidente Mauricio Macri (2015-2019) a presenta como e acusador den e causa aki y a reclama e reincorporacion di e vice-presidente. “Bases Republicanas” a logra e reapertura di e caso 28 di november di aña pasa ora Camara Federal a revoca e suspension di e caso di Cristina Fernandez, y e causa a

bay back na e hues Sebastian Casanello. Fernandez a presenta un keho contra e revocacion di e suspension di e caso, cu a ser rechasa dialuna ultimo, pa loke ta nifica cu e causa ta bay continua su caminda. Esaki ta un di e causanan cu ta involucra Fernandez, KEN 6 di december 2022 a ser sentencia cu seis aña di prison y inhabilitacion permanente pa echerce funcionnan publico pa ta considera culpabel di administracion fraudulento di fondonan publico den e otorgamento di obranan publico. E sentencia no ta firme ainda y el a apela.

Ministerio Publico di Chile ta investiga causanan di e accidente den cual ex-presidente Piñera a muri

(La Tercera) – Varios proceso ta bin realizando pa establece e circunstancianan den cual e ex-mandatario a fayece mientras e tabata dirigi su helicop- ter den e Lago Ranco. Te awor ta tres e hipotesis cu Ministerio Publico tin: mal condicion climatico, un maniobra robes debi na poca visibilidad y algun molestia di salud cu a impedi Piñera di yega na su destino, su cas na Bahia Coique. Den e caso aki tin tres sobreviviente na unda nan testimonio ta clave.

Minuutnan despues di 3or di atardi di diamars 6 di februario, a traves di rednan social, a

cuminsa surgi rapportnan di un helicoptero den e cual e ex-presidente Sebastian Piñera tabata biaha y cu a cay den awanan di e Lago Ranco, na Region de Los Rios. Minuutnan despues e noticia a ser confirma pa fuentenan di gobierno, hunto cu anteceden- tenan cu tabata indica cu e persona ken a dirigi e pais pa dos biaha a fayece den un accidente. Di acuerdo cu e prome rap- portnan entrega pa Carabini- ero, e hecho a sucede 2or y 57 minuut di atardi, na e momento ey, efectivonan policial a ricibi un yamada for di guardia di Lago Ranco, cu tabata indica cu na e sector ey un aeronave a cay. Pa e mo-

tibo ey, funcionarionan di e institucion y di Armada a bay te e luga pa verifica e alerta. Confirmando e anteceden- tenan, fiscal regional De Los Rios, Tatiana Esquivel, a dis- pone e apertura di un inves- tigation pa aclarar e circun- stancianan den cual e acci- dente a ser produci. Tanto e como e fiscal na Rio Bueno, Rodrigo San Martin, a bay te e luga. Nan a instrui na Brigada di Homicidio y Laboratorio di Criminalistica di Polis di In- vestigacion y Gope di Carabi- nero pa cuminsa investiga. Esaki, manera a ser indica caba, pa busca kico a sucede realmente. Despues di varios prueba



realisa pa profesionalnan di Servicio Medico Legal (SML) di Valdivia, ayera a ser

confirma cu e causa di morto di e ex-presidente ta cu el a muri hoga.

Colombia: Petro ta insisti den un supuesto intento di golpi di Estado

(DW) – Presidente di Colombia, Gustavo Petro, diamars ultimo a insisti den prepara e poblacion pa responde na un eventual “golpi di Estado.”

“Presidencia a solicita organisa e coordinadornan di forsan popular den cada municipio y departamento. Tur intento di golpi of violencia ta bay ser contesta pa mobilisacion popular general,” e hefe di Estado a skirbi riba su cuenta di “X.” Igualmente, a solicita na e gremionan di docente –cu awe ta bay haci un manifestacion pa presiona Corte Supremo pa eligi un fiscal nobo, pa reemplasa esun actual, Francisco



Barbosa- pa yuda organisa “e coordinacion di forsan popular.”

“Un gobierno progresista no ta bay ataca husticia, pero si impunidad.” Petro a bisa

y a agrega cu “e situacion actual no mester ta dirigi riba e presion pa cortenan,” supuestamente refiriendo na e manifestacionnan programa. Petro a haci e referencia nobo di “golpi di Estado” despues cu a reuni cu presidente di Corte Supremo di Husticia, Gerson Chaverra, y cu vice- presidente di e tribunal halto aki, Octavio Tejeiro, cu ken a dialoga tocante “e urgencia di promove respet entre tur institucion y sector di e pais” pa salvaguardia e solidez di e democracia Colombiano.” 3 di februario ultimo, Petro a acusa Barbosa di duna un “golpi di Estado,” ora a contesta for di un fake account di e red social X na unda a usa

e nomber di e funcionario. “Loke e fiscal general ta busca ta un golpi di Estado bao e capa institucional, manera kier a haci na Guatemala y pa e mesun motibonan,” e mandatario a bisa, oranan despues di acusa e mesun funcionario di promove un supuesto “kibramento constitucional” pa sakel’e for di poder. Segun a expresa “e desesperacion pa alternancia democratico na Fiscalia ta hiba Barbosa pa golpia e progresismo y organisacionnan di trahadonan,” den referencia na e eleccion proximo di e fiscal nobo, ya cu esun actual ta caba su periodo dia 12 di februario awor.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff

Intento pa baha e gobierno di Petro na Colombia

Declaracion di Presidente Petro

Den weekend cu a pasa Presidente di Colombia, Petro a saca un comunicacion den prensa di e intencionan di Fiscalia (Ministerio Publico Colombiano), cu ayudo di sectornan di narcotraficantenan y politiconan corrupto, pa baha e presidente di Colombia, democraticamente eligi dor di pueblo. Petro ta haci apelacion na organisacionnan di derechon humano, partidonan progresista y organisacionnan sindical di Colombia y di mundo henter pa presta atencion na su denuncia, cu Fiscalia di Colombia a suspende contra tur regla y sin rason e canciyer Leyva.

Alvaro Leyva ta un politico, hurista, economista, defensor di derechon humano y diplomatico. Motibu duna dor di fiscal ta e contrato pa traha paspoortnan nobo. Pero segun esnan conoci di e situacion di Colombia ta e hecho cu pronto lo tin un bishita di un delegacion di huristanan di Consejo di Seguridad di UNO, kendenan mester ser bon atendi y pa ricibi informacionnan corecto ariba con e desaroyonan di e acuerdo di pas na Colombia di 2016 ta sigui. Fiscal no kier pa e delegacion ricibi informacionnan valioso y corecto di un especialista ariba Derechon Humano.

Narcotraficante si mag duna contribucion pa campaña politico, sindicato no. Tambe ariba un investigacion contra e presidente di Colombia pa motibo di un contribucion di un Federacion Sindical pa e campaña politica di Petro. Agentenan di Fiscalia den forma bruto a haci incursionnan dentro di sindicatonan, a uza presion pa testigonan acusa e presidente, tur sin exito. Tin casonan cu pa partidonan derechista si ta wordo declara legal, pero pa e partido di Petro, mesun accion ta ser declara ilegal. Tin e caso, cu declaracionnan di un contribucion di un Narcotraficante, yama ñeñe, na e



partido cu a nombra e fiscal, sin ningun investigacion, e caso ñeñe ta ser declara legal. Pues pa narcotraficante ta legal pa duna contribucion, pero sindicato progresista NO.

Petro, den su declaracion ta bisa cu e mester alerta mundo cu mafianan a coy poder den fiscalia y su lucha ta pa kibra e poder aki.

P'esey Presidente Petro a pidi e pueblo Colombiano pa ta alerta, cu mobilisacionnan masal di pueblo pa kita e poder mafioso y trece bek e decencia cu mester reina den Husticia na Colombia. Su partido Pacto Historico a yama demonstracionnan masal den tur e ciudadnan grandi na Colombia, diahuebs 8 di februari 2024.

Lawfare
E tema aki a bini dilanti den e caso aki contra Presidente Petro na Colombia y cual ta ser uza hopi contra politiconan progresista na mundo, pero mas special na Latino-America, unda ta uza husticia como herment politico pa elimina oponentenan politico

na un momento oportuno. Pues un sorto di mecanismo cu ministerio publico, hunto cu prensa y oposicion ta manipula y formula casonan falso, basa ariba corrupcion. Esakinan pa ilegalisa y prohibi lidernan progresista (iskierdista) pa participa den e proceso politico.

Lawfare ta un Soft Coup
Lawfare ta wordo yama tambe Soft Coup. Un coup (toma di poder) mas suave. Sigur si nos analisa e golpinan di estado na Latino America di e decadanan 50, 60, 70 y 80 di siglo pasa, unda cienmilnan o miyonnan di morto a cay.

Tin hopi casonan di Lawfare conoci den e siglo aki manera:
Actual presidente di Brazil, Lula, pa e no ta un candidato presidencial contra Jair Bolsonaro, na 2018, Fiscal na Brazil a trece acusacionnan falso y Lula mester a bay prison pa basta tempo. Nunca Lula a presenta dilanti di un Hues pa defende su caso. A lo largo Lula a sali liber di tur acusacion y despues a sali eligi como presidente di Brazil.

Caso di Evo Morales, kende a gana eleccion cu mas di 10% di bentaha ariba su contrincante, pero cu acusacionnan infunda di corrupcion mester a bandona su pais y bay den exilio na Mexico pa salba su bida. Den e siguiente eleccion poco lunanan despues, su companero di campaña, Luis Arce ta gana eleccion cu bentaha grandisimo.

E caso di Christina Kirchner, Ex-presidente di Argentina, kende a ser prohibi pa participa den eleccion pa presidente. Igualmente Ex-presidente di Ecuador Raphael Correa, kende a ser prohibi pa drenta Ecuador y mester a bay den exilio na Belgica.

Recien ta e caso di Pedro Castillo, e presidente Izquierdista, kende na 2021 a gana eleccion presidencial na Peru, pero na december 2022, a base di manipulacionnan di su vicepresidente Dina Baluarte y Fiscal (Procurador General) Benavides a ser baha como presidente y hinca den prison, sin cu Presidente Pedro Castillo a aparece dilanti di un Hues pa defende su caso. Benavides a ser nombra Fis-

cal interino na 2022, specialmente pa investiga Presidente Castillo. Na december 2023, Benavides a ser baha como fiscal pa motibonan di actonan corruptivo.

A pesar di manifestacionnan grandi y rechaso grandi di pueblo contra Baluarte, Pedro Castillo ta den prison ainda.

Asina tin mas casonan di Lawfare na Latino-America y na mundo.

Otro hecho conoci ta cu despues di analisa e casonan di lawfare, casi semper e mannan scur di USA ta meti. Igualmente manera tabata e casonan di e golpinan di estado di siglo pasa, den siglo 21, Merca no ta tolera presidentenan progresista na Latino-America.

Pues ora analisa e situacion na Colombia, e ta uno hopi serio, unda Pueblo a eligi un Presidente Isquierdista, pa caba cu tur actonan di bandides, caba cu bagamunderianan di politica derechista y trece un politica mas humano cu medidanan social na bienestar di full e pueblo Colombiano.

Mundo politica di derecha na Colombia, encabesa pa Fiscalia, yuda pa prensa derechista, no kier acepta e situacion nobo na Colombia. P'esey e intencionan di Lawfare contra Petro.

FOR ALL YOUR FLYER DISTRIBUTIONS

Call: 582-7800
email: accounting@cspnv.com

BONDIA
ARUBA

Hefe nobo di agencia di tempo di Nacionnan Uni ta bia cu calentamento global su velocidad ta acelerando

(AP) - E hefe nobo di World Meteorological Organization a bisa cu e ta mira cu e velocidad di cambio di clima causa pa ser humano ta acelerando y cu e calentamento a causa mas daño den parti Arctico di Norte America y Europa, comentando riba 2 problemanan cu ta dividi e cientificonan di clima.

Den su prome entrevista desde cu el a drenta oficina dos luna atras, Secretario-General di WMO Celeste Saulo a conta The Associated Press cu aunke su agencia a bisa cu aña pasa tabata 1.40 grado Celsius riba e nivelnan pre-industrial, mundo mester “sigui cu su ambicion di purba no yega 1.5” grado Celsius na un base mas largo, no solamente un aña. “Nos tin un moda cu ta hopi preocupante. E moda ta hopi cla.”

Saulo a bisa cu mundo mester actua lihe pero tambe a bisa cu tin forsanan economico hopi poderoso cu ta mantene esaki leu for di pasa. Esfuerzonan slow pa combati cambio di clima “no ta tocante diplomacia, e ta tocante poder



y economia,” Saulo a bisa durante un break na reunion di e sociedad American Meteorological Society na Baltimore. “Nos ta kedando atras di nos obhetivonan a causa di nos interesnan economico, cu ta tras di loke nos sentido comun, nos diplomacia y nos cientificonan ta señalando.”

Aña pasa ex científico di clima di NASA James Hansen y otronan a publica un es-

tudio bisando cu e clima no ta solamente birando mas cayente, sino e velocidad di e cambio aki ta acelerando. Un di dos estudio a haya cu e nivel di cayente den oceano, unda mayoria di planeta Tera su energia ta warda, ta aumentando na un velocidad hopi mas lihe cu antes. Otro cientificonan ta den desacuerdo cu esaki, bisando cu calentamento te ainda ta na e velocidad cu a premira.

Saulo a bisa cu e ta mira e aceleracion cu Hansen ta papiando di dje, specialmente basa riba investigacion di algun ekipo di ciencia di WMO. El a bisa cu loke ta preocupa su persona ta cu e no sa kico esaki ta nifica pa e futuro. “Nos no ta na e punto aki den termino di nos comprendimento científico tocante e implicacionnan di e aceleracion aki. Nos no ta

compronde completamente con esaki lo evoluciona,” Saulo a splica.

E tabata hefe di Argentina su oficina meteorologico, a bisa cu loke ta preocupa su persona mas ta loke ta pasando den ambos ‘pole’, cu oceanonan birando mas cayente, ijs ta smelt y sociedad ta agrega mas gas cu ta wanta e calor.

Den otro area di e debate entre cientificonan, Saulo a bisa cu e ta mira un conexion entre calentamento global aumenta den e partico Arctico y e brotenan di frio profundo na Norte America y Europa, hopi biaha referi manera e ‘vortex polar’ scapando su area normal den parti noord. Loke ta pasando ta cu e diferencia entre e temperaturanan di winter den arctico y e ‘mid-latitudes’ no ta mesun grandi maner e tabata, y esaki ta causa cambionan mas frecuente.

“E ta un preocupacion grandi, particularmente den e hemisferio noord pa motibo cu e area continental ta exponi y asina hopi hende ta biba den dje,” Saulo a comenta.

Meta ta bisa cu e lo label imagennan genera cu AI riba Facebook y Instagram

(AP) - Usuarionan di Facebook y Instagram lo cuminsa mira label riba imagennan genera pa AI cu ta aparece riba rednan social, parti di un iniciativa den e industria di tecnologia pa por separa loke ta real di loke no ta real.

Meta a bisa diamars cu e ta trahando cu partnernan den industria riba standard tecnico cu lo haci hopi mas facil pa identifica imagen y eventualmente video y audio genera pa hermentnan di inteligencia artificial. Loke te ainda mester mira ta con bon e lo traha na un momento unda ta hopi mas facil cu nunca pa haci y distribui imagen genera pa AI cu por causa daño, for di mal informacion tocante eleccion te na potretnan intimo sin consentimiento di celebridadnan.

“E ta un tipo di señal cu nan ta tumando na serio cu e hecho cu cu e generacion aki di contenido falso online ta un problema pa nan plata-

forma,” Gili Vidan, un profesor asistent di informacion di ciencia na Cornell University a splica. E lo ta “bastante efectivo” den categorisa un porcion grandi di contenido genera pa AI cu hermentnan comercial, sinembargo esaki no ta hopi probabel di catch tur cos, el a comenta.

Meta su president di asuntonan global, Nick Clegg, no a specifica diamars cu e label lo aparece pero abisa tambe cu esaki lo ta den “lunanan binidero” y den diferente lenguahe, notando cu “un cantidad importante di eleccionnan cu ta tumando lugar rond di mundo. Pa motibo cu e diferencia entre contenido humano y sintetico ta bruha, personanan kier sa unda e linea ta,” el a splica den e publicacion.

Meta ya caba a pone un label “crea cu AI” cu imagennan realistico crea pa su propio herment, sinembargo mayoria di e contenido genera pa AI inundando su rednan so-



cial ta bini for di otro fuente. Un cantidad di colaboracion den e industria di tecnologia, incluyendo e iniciativa Content Authenticity Initiative lidera pa Adobe, ta trahando pa crea e standard. Un empuhe pa label digital di contenido genera pa AI tambe tabata parti di un ordo ehecutivo cu President Mericano Joe Biden a firma den october.

Clegg a bisa cu Meta lo cuminsa traha riba label “imagenan di Google, OpenAI, Microsoft, Adobe, Midjourney y Shutterstock mientras nan ta

implementa nan plan pa agrega metada na imagennan crea pa nan hermentnan.” Google a bisa aña pasa cu e labelnan di AI ta bini YouTube y otro plataformanan. “Den e lunanan binidero, nos lo introduci labelnan cu ta informa e usuario ora cu e contenido realistico cu nan ta mirando ta sintetico,” CEO di YouTube Neal Mohan a reitera un aña prome cu e publicacion diamars.

Un preocupacion potencial pa e consumidornan ta si e plataformanan di tecnologia

bira mas efectivo den identifica contenido genera cu AI for di un set di proveedornan comercial mas grandi sinembargo lo faya den identifica kico a ser traha cu otro hermentnan, creando un sentido falso di seguridad. “Tin hopi cu lo depende riba con esaki lo ta comunica pa e plataformanan na e usuarionan,” Cornell’s Vidan a expresa. “Kico e marca aki ta nifica? Cu con hopi confiansa mi mester tuma esaki? Kico su ausencia mester bisami?”

Barcelona ta hiba Zenit corte a causa di un bonus di 525,000 cu no a ricibi despues di clubnan Ruso su prohibicion di UCL

(AP) - Barcelona lo hiba Zenit St. Petersburg na deporte su corte mas halto a causa di un pago di bonus cu nan a perde despues cu e club Ruso a ser prohibi for di e Liga di Campeonan despues di Rusia su invasion di Ucrania.

Barcelona ta bisa cu Zenit ta debe Barcelona 525,000 dolar a causa di un clausa den e trato di transferencia cu a mira Malcom di Brazil uni e club Ruso na aña 2019. E trato aki ta rekeri pa Zenit paga Barcelona 525,000 dolar cada biaha cu nan cualifica pa e etapa di grupo den e Liga di Campeonan den un temporada unda Malcom a hunga por lo menos mita di e weganan domestico den e liga. Sinembargo FIFA a declara



aña pasa cu Zenit no mester a paga e placa aki pa motibo cu nan a ser exclui for di e temporada di Liga di Campeon-

nan di aña 2022 pa aña 2023 como parti di e prohibicion di UEFA riba clubnan Ruso, aunke el a gana e liga domes-

tico pa cualifica den e competencia.

Corte di Arbitrahe pa De-

porte (CAS) a bisa diaranson cu nan a pone un audiencia den plan dia 22 di maart pa resolve e disputa aki. Zenit a genera 41 miyon euro den ganashi den UEFA for di e etapa di grupo di e Liga di Campeonan den e temporada di aña 2021 pa 2022, e ultimo participacion den e competencia. Den e decision di FIFA, hues Thulaganyo Gaoshubelwe a bisa cu Zenit no mester ser obliga "comparti un ganashi economico cual nunca el a obtene." Zenit a keda di acuerdo paga 40 miyon euro ademas di bonus den futuro pa Malcom den augustus di aña 2019, Barcelona a bisa na e tempo di e transferencia. Zenit a bende Malcom juli ultimo na club Saudi Al Hilal for di 60 miyon euro.

Eskiado Ruso su excuus a ser rechasa pa huesnan den caso di doping Olimpico



(AP) - Un dessert di Strawberry contamina pa su welo su medicamento di curason por a causa eskiado di figura Ruso Kamila Valieva su resultado positivo den test di doping, segun su abogadoan a argumenta na corte mas halto di deporte, cual a rechasa e splicacion y a prohibi su persona pa 4 aña.

Corte di Arbitrahe pa Deporte (CAS) riba diaranson a publica e veredicto di 129 pagina for di su 3 hues pa splica

dicon nan a impone un prohibicion siman pasa contra Valieva, ken su caso di doping cu 15 aña di edad a impacta e Olimpiada di Beijing cu a tuma luga na aña 2022. E palabra "strawberry" ta ser mira 43 biaha den e documento cu ta detaya dicon e huesnan a rechasa e argumento.

E huesnan di CAS a ser pidi pa kere cu Valieva su welo "accidentemente a laga un pildo cay den e dessert mientras e ta preparando esaki of pa motibo cu tabatin residuo

di e tablet riba e tabla cu el a usa pa prepara e dessert." "Tabatin demasiado hopi fayod en e evidencia y demasiado preguntanan cu no a ser contesta, pa e panel dicidi cu su storia ta mas probabel cu no," e huesnan a skirbi. Valieva a test positivo pa e medicamento pa curason prohibi den un test haci na e campeonato Ruso dia 25 di december pa aña 2021. E resultado die test no a ser manda for di e laboratorio na Stockholm, Suecia te 6 siman despues durante e Olimpiada di Beijing.

Valieva ya caba a participa den e evento di e ekipo, yudando e ekipo gana e medaya di oro y a ser permiti sigui competi den e competencia individual di hende muhe. Bao critica

intenso, su presentacion yen di eror a baha na di ultimo luga. Atletanan cu test positivo pa doping por scapa di un prohibicion si despues nan comproba cu nan no tin e fayod a causa di ingeri substancia. E splicacion for di Valieva su abogado durante e Olimpiada tabata cu e ta accidentalmente contamina pa su welo su medicamento na cas di su famia na Moscu. Mas detaye a ser duna den e caso a bini na CAS den audiencia di apelacion cu ta ser organisa den sesionnan separa september utlimo y november na Lausanne, Switzerland.

A sugeri den corte cu Valieva su welo a prepara e dessert dlanan prome cu e campeonato nacional pa su persona

por tuma cune pa bay St. Petersburg. "No tin otro evidencia, cu e por provee ademas di su palabranan," e veredicto a bisa. "Ni tampoco tin otro evidencia, cu e tabata usando TMZ na e momentonan aki." Huesnan di CAS a mantene un apelacion di World Anti-Doping Agency cual a ser pidi pa un prohibicion di 4 aña y descualificacion di su resultado despues cu un tribunal Ruso a kita tur culpa for di Valieva.

International Skating Union a kita e titulo Olimpico for di e ekipo Ruso, cual a declara Merca e campeonan. Hapon a ser actualisa di brons pa silver y e Rusonan a ser baha te na brons despues cu Valieva su puntonan a ser kita.



Prome Pop Up Market di Santa Rosa ta dia 2 di Maart

Despues cu aña pasa Departamento di Agricultura, Cria y Pesca Santa Rosa a bin na e idea pa cuminsa cu algo chikito pa nos productornan local cu a resulta den un Pop-Up Market exitoso. Awor nos ta cla pa continua cu esaki den luna di maart venidero.

Hopi ta esnan cu a haya e idea aki uno interesante y sigur a wordo sosteni pa nos bishitantenan mirando e acogida cu esaki a haya durante 2023. Hopi ta esnan cu a encanta e idea pa motibo cu e ta den un escala mas chikito y ta duna e oportunidad na e clientela pa mira y probecha di un of otro producto fresco mas facil.



Sin mucho molester por yega cumpra y sigui cu otro compromisonan. Ta simplemente un cantidad di 15 productor local cu tin un of otro producto fresco na e momento ey por yega na remarca den nos Pop-Up Market. Claro nos kier tene den un escala mas chikito pa asina facilita

tur nos bishitantenan y sigur tambe e productor por sali mas facil for di nan producto fresco cu nan tin na e momento ey pa ofrece.


Faltando apenas un luna pa nos Pop-Up Market cu lo ta planea pa tuma lugar riba diasabra dia 2 di maart venidero.





















Nos ta haci e siguiente apelacion dado caso cu bo tin producto fresco pa e fecha menciona por tuma contacto cu nos departamento na 585-8102 pa asina reserva bo lugar y pa nos por ta na altura kico ta e producto cu bo ta bay ofrece pa e Pop-Up Market. Nos ta desea pa por tin un variedad di producto

produci localmente pa ofrece nos bishitanan riba e dia aki. Orario lo ta for di 8or di te cu 11or di mainta caminda Aruba completo por bishita y haci nan compras riba e diasabra aki.

Nos ta invita e pueblo di Aruba pa marca e fecha aki cu ta diasabra 2 di maart pa bishita nos Pop-Up Market y disfruta haciendo bo compras di e productonan fresco cu lo bay tin pa ofrece aki mes na Santa Rosa.

Nos Pop-Up Market lo ta facil, conveniente y rapido. Bishita nos prome Pop Up Market pa e aña aki y comprueba pa bo mes.

Resultado Sorteo 7 februari 2024			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2041	9492	3982	1060
0743	4767	SUPER5	9376
4113	3469	-	0158

MERDIA	ANOCHI		
 Sorteo # 4175 9383 7986 1909  FP  Sorteo # 4175 7779  Sorteo # 2231 1197  Sorteo # 4175 8532 Libra  Sorteo # 1049 620  X2	 Sorteo # 8165 8873 0806 2138  X2  Sorteo # 7209 4383  Sorteo # 1914 9220  Sorteo # 5968 5967 Capricornio  Sorteo # 898 263  X2	 Sorteo # 2465 0 x Jackpot 0 x Match 4+ 3 x match 4 135 x Afl. 12,00  Sorteo # 6381 0 x Jackpot 1 x Match 4 111 x Afl 8,00  Sorteo # 0 x Jackpot 0 x match 4 3 x Afl. 500,00 87 x Afl 50,00 91 x Afl.15,00   Sorteo #	07-11-30-31-34 Joker 21 Letter D Proximo Jackpot 375.000,- 07-18-26-29-30 Proximo Jackpot 53.000,- Mega Ball: Proximo Jackpot 450.000,- Afl. 630.000,- 

S.V. Bubali reunion general 2024 ta tuma lugar 21 februari 2024 na BSC

Pa medio di e comunicado aki directiva S.V. Bubali ta recorda tur su miembronan pa ALV 2024. Pa es motibo Directiva ta invita bo (so) persona pa un reunion general 2024 cual lo tuma lugar diaranzon 21 februari 2024 pa 7:00pm na Bubali Sport Club.

Presidente lo habri e reunion pa 7:00pm y den caso cu no tin quorum lo sera e reunion y habri e reunion bek riba e mesun dia pa 7:30pm. Si pa 7:30pm no tin quorum reunion ta sigui normal y tur decision lo ta valido. Puntonan di agenda: 1. Apertura; 2. Aprobacion Notulen ALV 2023; 3. Palabra di Presidente; 4. Relato di Secretario; 5. Relato di Tesorero; 6. Informacion FBSC; 7. Eleccion di Presidente; 8. Eleccion di

demas miembro nan pa directiva; 9. Plannan pa 2024; 10. Turno liber; 11. Clausura.

Directiva ta informa tur mayor, miembro, personan cu tin Bubali na curazon y personan cu no ta miembro y kier bira miembro y juda den directiva, comicion, voluntario of kier train un team di muchanan pa futbol, por tuma contact cu un miembro di directiva. Pa por postula pa President of miembro directiva mester ta por escrito ultimo dia pa por hasi peticion ta 18 Februari 2024 via e-mail na svbubalisportclub@gmail.com of bubali@avbaruba.com. Nos ta pidi tur miembro pa bin pa pone nan miembrecia al dia asina pa por tin derecho di voto.

King Classic Sudoku								
5	7			2		4	8	1
					1			
			8					3
7			2	5			1	
8	5	2						
		1			7	8		
2	6	7				1		4
	9	5		4		2		
				9		6	7	5

Difficulty: ★★★ 2/8



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Central Aloe
Tel. 585 1965 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

DAO ta invita empresanan pa participa den un encuesta tocante nan experiencia cu hoben riba e mercado laboral

Departamento di Labor y Investigacion (DAO) ta anuncia cu cuminsando 29 januari 2024 tur invita tur dunado di trabou pa participa den un encuesta digital relaciona cu nan experiencia como dunado di trabou, particularmente nan experiencia trahando cu hobennan riba e mercado laboral. DAO ta reconoce cu dunado di trabou ta duna un aporte substancial riba e mercado laboral.

E obhetivo di e investigacion aki ta pa haya un bista mas amplio di e experiencia di dunadonan di trabou cu e grupo di hoben disponibel riba e mercado laboral. Esaki ta encera hoben di 15 pa 24 aña di edad, y tambe e hoben adulto di 25 pa 29 aña di edad riba e mercado laboral di Aruba.

E investigacion aki ta encera compilacion di informacion riba entre otro e proceso pa recluta y empleo di e hoben trahado for di bista di Aruba su dunadonan di trabou. Cu e datonan aki, por desaroya of ahusta maneho na un forma cu ta 'evidence-based' y implementacion di maneho por ta mas dirigi pa cu nos hobennan. E datonan aki ta yuda identifica e areanan di nos mercado laboral unda cu tin cierto discrepancia relaciona cu e oferta y demanda pa trahado hoben y ta fungi tambe pa determina e desafionan relaciona cu desempleo bou hobennan. Pa e hobennan mes, e datonan aki lo ta un contribucion pa mehora nan perspectiva riba e mercado laboral y nan preparacion nan pa ta exitoso den trabou den futuro.

Nos ta pidi encarecidamente pa participa na e encuesta aki cu lo tuma mas o menos 10 minuut di bo tempo. Aki bou por haya e linknan pa participa.

Version na Hulandes di e encuesta

<https://www.surveymonkey.com/r/SWTS2024ENG>

Version na Ingles di e encuesta

TA BUSCA

Panda Express Airport Landside
ta busca
"Kitchen Helper"
Por yama na
Tel. 582 8995



<https://www.surveymonkey.com/r/SWTS2024ENG>

Participacion den e investigacion aki ta completamente voluntario. Lo publica tur informacion y datonan ricibi publica na forma agrega, asegurando proteccion di identidad di e dunado di trabou. Pa mas informacion tocante e encuesta, por tuma contacto cu Bureau Arbeidsmarktonderzoek, na 5237720 of por manda un email pa man-

dy.lacle@aruba.gov.aw of simon.brete@aruba.gov.aw.

Nos ta gradici bo pa bo tempo y boluntad pa contribui na e investigacion importante aki. Bo empresa su participacion ta aporta grandemente na e desaroyo di maneho laboral como tambe intervencionnan pa mehora oportunidadnan di empleo pa hobennan. Nos ta pidi bo cooperacion pa completa e encuesta prome cu 28 februari 2024.

Pronostico di tempo

Tempo:

Awe tardi y awe nochi: parcialmente nubla cu awe nochi chens pa un awasero breve

Den marduga y mañan: parcialmente nubla cu un awasero pasahero te breve

Temperatura maximo 31 grado Celsius

Temperatura minimo 25 grado Celsius

Indice di calor (heat index) den y rond di oranan di merdia: 32 pa 38 grado Celsius

UV index: 8

Bahada di solo : 6:43 pm

Subida di solo : 7:04 am.


Biento:

Zwak te modera for di direccionan entre noordoost te oost;

Forsa 2 te 4 (7 te 30 km/ora, 4 te 16 nudo).

Situacion general di tempo pa proximo 24 ora:

Sobranan di un frente friu ta zorg pa aire humedo den nivelnan mas abou di



atmosfera.

Esaki lo combina cu e calentamento di den dia pa produci algun area di nubia cu por induci algun awasero pasahero te breve na cierto partinan di e isla.

Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: modera, entre 3 pa 4 pia, localmente e por yega 5 pia.

Na partinan oost te noordwest di costa: Frankil te modera cu olanan di 3 pa 4, localmente 5 pia

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ta cu curasonnan pisa nos ta anuncia e partida di nos:



Sheila G.M. Trimon-López
*21 di Mei 1962 - †4 di Februari 2024

El a despedi di e mundo aki na paz dia 4 di Februari 2024, lagando recuerdonan inolvidabel atras y un impacto eterno den bida di tur esnan cu el a toca.

Sheila ta laga atras su famia stima:
Wilfred Trimon
Isabella Trimon
Zia Trimon

Su famia ta invita bo persona pa compaña nan den celebracion di Sheila su remarcabel bida. Oportunidad pa condoleer lo ta diabierna 9 di Februari 2024, for di 7'or te cu 9'or di anochi. E encuentro lo tuma luga na Aurora Funeral Home, Cumana 76 Watty Vos Boulevard.

Ceremonia di despedida lo tuma luga, diasabra 10 di Februari 2024 di 2'or pa 4'or di atardi, na Aurora Funeral Home.

Bo persona su presencia ta altamente aprecia na e momentonan cu nos ta bin hunto pa honra y recorda Sheila su bida.

Cu Sheila sosega den paz eterno y cu su spirito por sigui briya bunita den nos curazon.

Cu inmenso gratitud.
Famia Trimon.



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Cu gran dolor y tristeza den nos curason, mas alabez cu inmenso gratitud pa su bida y legacia, nos ta anuncia fayecimento di



Sr. Harold D. Malmberg

Esposo di sra Maud Malmberg-Brown, Tata di Ricardo, Lisette y Giovanni, abuelo di Thalia, Ricardo Jr., Samantha, Thiago, Joey y Jamiro y bisabuelo di Jayden y Mia.

Rumanan Hans, Elizabeth, †Lydia, Mildred, Hellen, Lillian y Clyde, tur sobrino, sobrina, famia, amistadnan y Junta Directiva, Gerencia y Staff di De Palm Corporation VBA y tur empresa subsidiario.

Un gran pionero y visionario di nos industria turistico, cu a contribui inmensamente na nos pais a bay sosega na paz.

Juan 14:1-2: 1 "No preocupa of rindi na miedo, pasobra bo a kere den Dios, awo confia y kere den Ami tambe. 2 E Cas di mi Tata tin hopi morada, y ami ta bay pa prepara un lugar pa boso."

Oportunidad pa condolencia, diahuebs 8 di februari 2024 di 6:00 pm pa 8:30 pm na Royal Funeral Home

Acto di entierro y despedida lo tuma lugar na Royal Funeral Home, diabierna 9 di februari 2024 di 9:00 am pa 11:30 am, sigi pa e ceremonia di despedida 11:30 am pa 12:15 pm. Acto di cremacion lo tuma lugar den seno di famia.

En bez di flor of krans, famia lo prefera un donacion den Harold Malmberg su nomber na Centro di Bario Dakota.

Informacion di Cuenta Bancario:

- Nomber di beneficiario: Buurt- en Sportvereniging Dakota
- Banco: Banco di Caribe
- Number di Cuenta: 80880301

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Emitterio Croes
*22-04-1931 - †06-02-2024

Acto di entierro lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Autor: Cado Wever.

Nos ta anuncia fayecimento di:



George Ismael Hoek
Cariñosamente yama "Chef Hoek of Djodjo"
*13-09-1948 - †06-02-2024

Acto di despedida lo wordo anuncia despues

Deslisamento di tera ta afecta un pueblo na Filipinas, lagando 7 morto y 48 desaparecido

(AP)—Un deslisamento di tera den e parti zuid di Filipinas a laga al menos shete residente morto y 48 otro desaparecido, incluyendo mineronan wardando den bus pa un lift pa cas, segun oficialnan a bisa ayera.

Tropanan militar, polis y bolarionan a rescata 31 residente cu a ser herida ora e deslisamento a dal e pueblo den sero di Masara den e provincia di Davao de Oro diamars anochi. E buskeda a continua ayera despues cu esaki a ser suspendi debi na preocupacionnan cu mas deslisamento lo tuma luga, oficialnan a bisa.

Mas cu 750 famia a ser movi pa centronan di evacuacion, e oficialnan a bisa. Entre esnan cu a disparce, tin 27 minero cu tabata warda den dos bus pa bay cas ora e deslisamento a tuma luga, e vocero di e provincia di Davao de Oro, Edward Macapili a bisa. Varios mineor a bula for di bentana of a core bay y a sobrevivir.



Yobidanan torencial cu a yena e region durante e ultimo simannan a calma y e tempo a habri den e ultimo dianan, Macapili a bisa. “El a pasa asina lihe,” el a bisa via yamada di telefon. “Diripiente nan a mira e deslisamento cayendo, bayendo den nan direccion.”

Teremotonan den e ultimo lunanan a trece daño na edificacionnan den e parti zuid-oost di e pais, y mas cu un decena di residente a muri den e ultimo simannan pa via di inundacion- y deslisamentonan, segun oficialnan.



Miles di campesino Spaño ta organisa un segunda demostracion cu tractor en contra di politica y prijs di Union Europeo

(AP) — Reflehando protestanan den diferente parti di Europa, miles di campesino Spaño a organisa un segunda dia di demostracionnan cu tractor ayera den e pais, blokiando caminda pa demanda cambianan den e politica y medidanan di agricultura di Union Europeo pa combati e aumento den costo pa produccion y sekia severo.



E protestanan a resulta den varios camindanan principal blokia. Acceso na e waf di Castellon y e aeropuerto Jerez a ser corta temporalmente. E agencia di noticia Efe a bisa cu 1,000 tractor tabata bayendo lentamente den direccion di e centro di ciudad na Barcelona, causando strobacion den trafico y camindanan den e capital di waf di e region Catalonia na Spaña.

E protestanan, cual a envolvi varios miles di hende ria tractor y den otro vehiculo, no a ser apoya pa e tres organizacion principal di agricultura, cual a haci un yamado

pa protestanan separa den e dianan binidero. Varios reportahe a conecta hopi di e protestanan diamars y ayera na gruponan conservativo. Te ainda no a sosode ningun incidente serio. Ta anticipa cu e demostracionnan lo continua durante e proximo simannan cu un protesta grandi na Madrid dia 21 di februari.

Papiando den e parlamento Spaño diaranson, prome minister Pedro Sánchez a priminti pa yuda campesinonan y tuma nan caso pa Europa. E ministerio di agricultura a anuncia diamars aproximadamente 270 milyon euro den

ayudo pa 140,000 campesino pa compensa pa e sekia severo na Spaña y problemanan causa pa e guerra entre Rusia y Ucrania. E minister di agricultura Luis Planas Puchades a reuni cu sindicatonan di campesino diabierna siman pasa, pero no a logra persuadinan pa pone un pero riba e protestanan.

Tabatin otro protestanan den paisnan manera Francia, Polonia y Grecia den e ultimo dianan. E Comision Europeo, e sector ehecutivo di UE, a duna excepcionnan na campesino durante e ultimo simannan riba reglanan di



ayudo y ambiental, y e siman aki a dicidi pa retira plannan pa corta e uzo di pesticid y otro productonan peligroso den mita.

Minister di asunto den exterior Hadja Lahbib di Belgica, ken actualmente tin e presidencia di UE, a bisa ayera cu e reglanan cu ta goberna agricultura “mester ser reevalua den luz di realidadnan actual.”

Vice-presidente di e Comision Europeo Maroš Šefčovič a bisa cu “scarsedad di recurso, aumenta den prijs y un mercado global cu ta birando mas competitivo ta afectando

e sector di agricultura y comunidanan rural. “Nos a mira di campesinonan protestando riba cayanan di Europa cu hopi di nan ta sinti pega, y cu nos no ta cumpliendo cu na necesidadnan. Pues, nos mester actua,” el a agrega.

Pero falta di accion probablemente lo satisfecha hopi di e campesinonan protestando como cu e lo retrasa e plannan actual cu ta yama pa cambianan burocratico caro y e aprobacion di tratanan internacional riba comercio liber cu lo trece produccion di campo barata den mercadonan Europeo.

Gobierno di Zimbabwe ta sostene movida pa aboli e sentencia di morto

(AP) - Zimbabwe su gabinete a keda di acuerdo pa sostene un movida den parlamento pa deshaci di e sentencia di morto, un castigo cu a ser usa ultimo den e nacion Sur Africano casi 20 aña atras.

Zimbabwe a usa colgamento como su manera di ehecucion, sinembargo no a sentencia ningun hende na esaki desde aña 2005, parcialmente pa motibo cu ningun hende tabata dispuesto pa tuma e trabao pa añanan largo. Den 2022, Zimbabwe su corant Sunday Mail a reporta cu varios persona a aplica pa e rol, incluyendo 2 hende muhe, sinembargo ningun di nan a ser contrata. Zimbabwe ta un di e mas di un decena di pais na Africa cu mas di 50 rond di mundo cu te ainda tin e sentencia di morto den



ley sin ningun moratorio pa esaki.

E gabinete su decision di sostene un cambio na e ley a ser haci na un reunion diamars y ta un paso clave. Te ainda

esaki mester keda aproba pa Parlamento. “den bista di e necesidad di retene un elemento di desmotiva crimen ora di sentencia asesinan, e ta anticipa cu e ley nobo lo impone sentencianan largo

sin cu nan ta viola e derecho di biba,” Minister di Informacion Jenfan Muswere a declara. Aparentemente e movida lo tin sosten di tur partido, cu legislador den oposicion Edwin Mushoriwa

bisando diaranson cu e tambe lo sostene esaki.

President Emmerson Mnangagwa, ken a gana reeleccion pa un di dos termino den augustus, varios biaha a expresa su oposicion na e penalidad di morto, citando su propio experiencia ora cu el a ser sentencia na morto den aña 1960 pa explota un trein durante Simbabwe su guerra di independencia, ora cu e pais tabata yama Rhodesia. Su sentencia a ser cambia na 10 aña den prizon.

Zimbabwe su constitucion ta bisa cu e castigo di morto ta aplica solamente na hende homber entre e edadnan di 21 y 70 aña di edad cu ta condena pa “asesinato cometi den circunstancianan grave,” manera asesina un mucha of muhe na estado.

World Food Program ta bisa cu nan lo aumenta ayudo pa yega 3 miyon ciudadano di Ethiopia



(AP) - Nacionnan Uni su World Food Program a bisa cu e tin e meta di yega na 3 miyon ciudadano di Ethiopia cu ta afecta pa cambio di clima y conflicto den e simannan binidero, mita di e cantidad cu el a sostene den e pais Africano prome cu e agencia a introduci un suspension di ayudo largo aña pasa.

WFP a bisa cu “awo nos ta trahando pa por entrega asistencia di cuminda pa te na 3 miyon persona” na Ethiopia su regionnan Tigray, Afar,

Amhar y Somali. E agencia ta “extremadamente preocupa tocante e siguridad di cuminda na Ethiopia, unda varios ya caba ta enfrentando hamber severo,” Chris Nikoi, su hefe di Ethiopia a bisa den un declaracion diamars.

Nacionnan Uni y Merca a para ayudo di cuminda pa e region Tigray na maart di aña 2023 a causa di un skema masivo pa medio di Ethiopia su oficialnan pa horta granonan humanitario. E pausa a ser extendi pa e resto di e pais den juni despues cu strobam-

ento a ser haya di tuma luga den henter e nacion. Merca y Nacionnan Uni despues a sigui cu e entrega pero na un escala mas chikito.

Prome cu e suspension, WFP a yuda duna cuminda na 6 miyon persona di Ethiopia. Awo e tin plan di yega na 40 por ciento di e 7.2 miyon persona cu ta enfrenta un falta di siguridad di cuminda agudo y solamente si “e recurso nan ta disponibel.” E resto lo ser acerca pa gobierno y otro agencianan di ayudo, e agencia a bisa.



WFP tambe ta luchando cu un escasez di fondo mundial na un tempo unda e necesidadnan ta sumamente alto. E agencia a bisa cu e tim “suministro di cuminda limita” na Ethiopia y urgentemente tin necesidad di 142 miyon pa su operacionnan. Sin e fondonan aki e agencia lo ser obliga pa stop e distribucion pa casi 1 miyon refugiado den exterior den april, el a splica. Ethiopia ta luchando cu segura y varios conflicto cu a resulta den miyones pasando hamber. Siman pasa, The Associated Press a reporta cu ayudo tabata slow pa yega esunnan cu tin mester di esaki despues di retira e suspension. Di 3.2 miyon persona cu tabata den plan pa ricibi asistencia di cuminda pa agencianan di Nacionnan

Uni y organisacionnan cu no ta gubernamental na Tigray luna pasa, solamente 14 por ciento a ricibi esaki pa dia 21 di januari.

Ethiopia su ombudsman federal a confirma cu centenares di morto a causa di hamber a tuma luga na Tigray, unda autoridadnan local a adverti tocante esaki.



Goza Carnaval 70 Cu MAS HOPI BOSHI DATA

CUMPRA BO
ONE DAY BUNDLE
DI 3GB Y
HAYA 9GB

PA SOLAMENTE
AFL. 5